



全
校
水
經
注

ル 5
734
11





名
134
11

水經注第三十七

范陽酈道元注

鄞全祖望校

布政使銜浙江甯紹台兵備道無錫薛福成校刊

青衣水

青衣水出青衣縣西蒙山東與沫水合也

縣故今按趙有古字青衣羌國也竹書紀年梁惠成王十

年瑕陽人自秦道岷山青衣水來歸漢武帝天漢

四年罷今按趙作分沈黎郡分兩今按此二字部都尉

一今按趙無此字治青衣主漢民公孫述之有蜀也青衣

不服世祖嘉之建武十九年以為郡安帝延光元

年置蜀郡屬國都尉青衣王子心慕漢制上求內

水經注 卷三十七 青衣水

附順帝陽嘉二年改曰漢嘉嘉得此良臣也

縣有蒙山青衣水所發東逕其縣與沫水會於越雋郡之靈關道青衣水又東邛水注之水出漢嘉嚴道邛來山東至蜀郡臨邛縣東入青衣水

至犍爲南安縣入于江

青衣水逕平鄉謂之平鄉江益州記曰平鄉江東逕峨眉山在南安縣界去成都南千里然秋日清澄望見兩山相峙如峨眉焉青衣水又東流注于大江

若水

若水出蜀郡旄牛徼外東南至故關爲若水也

山海經曰南海之內黑水之間有木名曰若木若水出焉又云灰野之山有樹焉青葉赤華厥名若木生崑崙山西附西極也

淮南子曰若木在建木西木有十華其光照下地故屈原離騷天問曰羲和未陽若華何光是也

然若木之生非一所也黑水之間厥木所植水出其下故水受其稱焉

若水沿流閒關蜀土黃帝長子昌意德劣不足紹承大位降居斯水爲諸侯焉娶蜀山氏女生顓頊於若水之野有聖德二十登帝位承少皞金官之

政以水德寶今按趙作膺 歷矣

若水東南流鮮水注之一名州江大度水出徼外至旄牛道南流入于若水又逕越嶲大柞縣入繩繩水出徼外山海經曰巴遂之山繩水出焉東南流分爲二水其一水枝流東出逕廣柔縣東流注于江其一水南逕旄牛道至大柞與若水合自下亦通謂之爲繩水矣

柞夷也汶山曰夷南中曰昆彌蜀曰邛漢嘉越嶲曰柞皆夷種也

南過越嶲邛都縣西直南至會無縣淹水東南流注之

邛都縣漢武帝開邛柞置之

縣陷爲池今因名爲邛池南人謂之邛河河中有蟀

鴛山應劭曰今按趙無此三字 有鴛水

言越此水以章休盛也後復反叛元鼎六年漢兵自越鴛水伐之以爲越鴛郡治邛都縣王莽遣任貴爲領戎大尹守之更名爲集鴛也縣故邛都國也越鴛水卽繩若矣似隨水地而更名矣

又有溫水冬夏常熟其源可燂雞豚下湯沐洗能治宿疾

昔李驤敗李流于溫水是也

若水又逕會無縣縣有駿馬河水出縣東高山

山有天馬徑厥跡存焉馬日行千里民家牧馬之
山下或產駿駒言是天馬子河中有貝子胎銅以
羊祠之則可取也

又有孫水焉水出臺高縣即臺登縣也孫水一名白
沙江南流逕邛都縣

司馬相如定西南夷橋孫水即是水也

又南至會無入若水若水又南逕雲南郡之遂久縣
蜻今按戴作青下同水入焉水出蜻蛉縣西東逕其縣下
縣以氏焉有石豬圻長谷中有石豬子母數千頭

長老傳言夷昔牧此一朝化為石迄今夷人不敢
往牧

貪水出焉蜻蛉水又東注于繩水繩水又逕三絳縣

西又逕姑復縣北對三絳縣淹水注之三絳一曰小

會無故經曰淹至會無注若水案越嵩原有會無經之所指乃三絳縣故

善長晰言之若水又與母血水合水出益州郡弄棟縣東

農山母血谷北流逕三絳縣南北入繩繩水又東涂

水注之水出建寧郡之牧靡縣今按戴無此字南山

縣山並即草以立名山在縣東北烏甸山南五百

里山生牧靡可以解毒百卉方盛鳥多誤食鳥喙

口中毒必急飛往牧靡山啄以解毒也

涂水導源臘谷西北流至越雋入繩繩水又逕越雋郡之馬湖縣謂之馬湖江又左合卑水今案戴有水出卑水四字縣而東流注馬湖江也

又東北至犍為朱提縣西為

今按趙瀘江水注之二字無此字

朱提山名也應劭曰在縣西南縣以氏焉犍為屬國也在郡南千八百許里建安二十年立朱提郡郡治縣故城郡西南二百里得所綰堂琅縣西北行上高山羊腸繩屈八十餘里或攀木而升或繩索相牽而上緣陟者若將階天故袁休明巴蜀志

云高山嵯峨巖石磊落傾側縈迴下臨峭壑行者扳緣牽援繩索三蜀之人及南中諸郡以為至險有瀘津東去縣八十里水廣六七百步深十數丈多瘴氣鮮有行者

晉明帝太寧二年李驤等侵越雋攻臺登縣寧州刺史王遜遣將軍姚岳擊之戰于堂琅驤軍大敗岳追之至瀘水赴水死者千餘人遜以岳等不窮追怒甚髮上衝冠哈裂而卒

案永昌郡有蘭倉水出西南博南縣

漢明帝永平二年今案趙作十二年而辨之置博南山名也縣

以氏之

其水東北流逕

今案趙

博南山

漢武帝時通博南山道渡蘭倉津土地絕遠行者

苦之歌曰漢德廣開不賓渡博南越倉津渡蘭倉

為作人

梓材案趙本引全氏校語云作即作之省則為當讀去聲

山高四十里

蘭倉水出金沙越人收以為黃金又有珠光穴穴出

光珠又有琥珀珊瑚黃白青珠也蘭倉水又東北逕

不韋縣與類水合水出嶠唐縣

漢武帝置

類水西南流曲折又北流東至不韋縣注蘭倉水又

東與禁水合水自永昌縣而北逕其郡西

水左右甚饒犀象山有鉤蛇長七八丈尾末有岐

蛇在山澗水中以尾鉤岸上人牛食之

此水傍瘴氣特惡氣中有物不見其形其作有聲中

木則折中人則害名曰鬼彈惟十一月十二月差可

渡正月至十月逕之無不害人故郡有罪人徙之禁

防不過十日皆死也禁水又北注瀘津水又東逕不

韋縣北而東北流

兩岸皆高山數百丈瀘峯最為傑秀孤高三千餘

丈是山于晉太康中崩震動郡邑

水之左右馬步之徑裁通而時有瘴氣三月四月逕之必死非此時猶令人悶吐五月以後行者差得無害故諸葛亮表言五月渡瀘并日而食臣非不自惜也顧王業不可偏安于蜀故也益州記曰瀘水源出曲羅嶠梓材按朱謀埠本作曲羅嶠趙氏刊誤引全氏云舊當作嶠曲羅嶠者嶠人種名唐置曲州以此下三百里曰瀘水西峯有殺氣暑月舊不行故武侯以夏渡為艱瀘水又下合諸水而總其目焉故有瀘江之名矣自朱提至樊道有水步道今按戴有水道二字有黑水羊官水至險難三津之阻行者苦之故俗為之語曰檣溪赤水盤蛇七曲盤羊烏橐氣

與天通看都濩泚住柱呼伊庾降賈子左擔今按趙作

檐七里又有牛叩頭馬搏頰今按趙作額坂其艱險如此也

又東北至樊道縣入于江

若水至樊道縣今案戴無此字又謂之馬湖江繩水瀘水孫

水淹水大渡水隨決入而納通稱是以諸書錄記羣

水或言入若又言注繩亦咸今案趙作或言至樊道入江

正是異水沿注通為一津更無別川可以當之

水有孝子石昔縣人有隗叔通者性至孝為母汲

江替水梓材案朱箋曰華陽國志作為母汲江裔水趙氏刊誤引全氏云江替江心也替字

不天為出平石至江督中今猶謂之孝子石可為
至誠發中而休應自天矣

淹水

淹水出越嶲遂久縣徼外

呂忱曰淹水一曰復水也

東南至蜻今案戴蛉縣作青

縣有禺同山其山神有金馬碧雞光景儵忽民多
見之漢宣帝遣諫大夫王褒祭之欲致其雞馬褒
道病而卒是不果焉王褒碧雞頌曰敬移金精神
馬縹碧之雞今案此四字戴故左太冲蜀都賦曰

金馬騁光而絕影碧雞儵忽而耀儀

又東過姑復縣南東入于若水

淹水逕縣之臨池澤漢志越嶲郡姑復縣臨池澤在
南又青蛉縣臨池澤在北澤之
與滯不知而東北逕雲南縣西東北注若水也

沫水

沫水出廣柔徼外

縣有石紐鄉禹所生也今夷人共營之地方百里
不敢居牧有罪逃野捕之者不逼能藏三年不為
人得則共原之言大禹之神所祐之也

東南過旄牛縣北又東至越嶲靈道縣出蒙山南

靈道縣一名靈關道漢制夷狄曰道縣有銅山又

有利慈渚晉太始元年黃龍二見于利慈梓材案朱箋本

作又有利慈晉太始元年黃龍二見于慈池趙氏刊誤引全氏校云利慈下落渚字慈池當作利慈

○今案戴縣令董立之率吏民觀之以白刺史王

濬濬表上之晉朝改護龍縣也

沫水出岷山西東流過漢嘉郡南流衝一高山山上

合下開水逕其間山即蒙山也

東北與青衣水合

華陽國志曰二水于漢嘉青衣縣東合為一川自下

亦謂之為青衣水沫水又東逕開刊今案趙縣作邦

故平鄉也晉初置

沫水又東逕臨邛南而東出于江原縣也

東入于江

昔沫水自蒙山至南安西今案趙溷崖水脈漂疾破

害舟船歷代為患蜀郡太守李冰發卒鑿平溷崖河

神鼉怒冰乃操刀入水與神鬪遂平溷崖通正水路

開處即冰所穿焉

夷水

夷水出巴郡魚復縣江

夷水即佷山清江也水色清照十丈分沙石今案趙無此字

全交水經注 卷三 夷水

蜀人見其澄清因名清江也

昔廩君浮土舟于夷水據捍關而王巴是以法孝
直有言魚復捍關臨江據水實益州禍福之門

夷水又東逕建平沙渠縣

縣有巫城水今案趙南岸臨水二字山道五百里

其水歷縣東出焉

東南過佷山縣南

夷水自沙渠縣入水流淺狹裁得通船東逕難留城
南

城卽山也獨立峻絕西面上里餘得石穴把火行

百許步得二大石積並立穴中相去一丈俗名陰
陽石陰石常濕陽石常燥每水旱不調居民作威
儀服飾往入穴中旱則鞭陰石應時雨多雨則鞭
陽石俄而天晴相承所說往往有效但捉鞭者不
壽人頗惡之故不爲也東北面又有石室可容數
百人每亂民入室避賊無可攻理因名難留城也
昔巴蠻有五姓未有君長俱事鬼神乃共擲劍于
石穴約能中者奉以爲君巴氏子務相乃中之又
令乘土舟約浮者當以爲君惟務相獨浮因其立
之是爲廩君乃乘土舟從夷水下至鹽陽鹽水有

神女謂廩君曰此地廣大魚鹽所出願留共居廩君不許鹽神暮輒來宿旦化為蟲羣飛蔽日天地晦冥積十餘日廩君因伺便射殺之天乃開明廩君乘土舟下及夷城夷城石岸險曲其水亦曲廩君望之而歎山崖爲崩廩君登之上有平石方二丈五尺因立城其傍而居之四姓臣之死精魂化而爲白虎故巴氏以虎飲人血遂以人祀鹽水卽夷水也案江水篇夷水出夷谿鹽水出巫溪今此合爲一又有鹽石卽陽石也盛弘之以是推之疑卽廩君所射鹽神處也將知陰石是對陽石立名矣事旣鴻古難爲明徵

夷水又東逕石室

在層巖之上石室南向水出其下懸崖千仞自水上徑望見每有陟山嶺者扳木側足而行莫知其誰村人駱都小時到此室邊採蜜見一仙人坐石牀上見都凝矚不轉都還招村人重往則不復見鄉人今名爲仙人室袁山松云都孫息尙存夷水又東與溫泉三水合大溪南北夾岸有溫泉對注夏煖冬熱上常有霧氣瘍疾今案戴作瘰百病浴者多愈父老傳此泉先出鹽于今水有鹽氣夷水有鹽水之名此亦其一也夷水又東逕佷山縣故城南

縣卽山名也孟康曰音恆出藥草恆山今世以銀
爲音也孟康曰下十
七字注中注

舊武陵之屬縣南一里卽清江東注矣南對長楊溪

溪水西南潛穴穴在射堂村東六七里谷中有石穴

清泉潰今案趙
作潰流三十許步復入穴卽長楊之源也

水中有神魚大者二尺小者一尺居民釣魚先陳

所須多少拜而請之拜訖投鈎今案戴
作鈎餌得魚過

數者水輒波湧暴風卒起樹木摧折水側生異花

路人欲摘者皆當先請不得輒取

水源東北之風井山迴曲有異勢穴口大如盆袁山

松云夏則風出冬則風入春秋分則靜余往觀之其

時四月中去穴數丈須臾寒慄今案戴作慄
今案趙

至六月中尤不可當往人有東過者置笠穴中風吸

之經月還步楊溪得其笠則知潛通矣其水重源顯

發北流注于夷水此水清冷甚于大溪縱暑伏之辰

尙無能燥其津流也縣北十餘里有神穴平居無水

時有渴者誠啟請乞輒得水或戲求者水終不出縣

東十許里至平樂村又有石穴出清泉中有潛龍每

至大旱平樂今案趙
有村字左近村居輦草穢著穴中龍怒

須臾水出蕩其草穢傍側之田皆得澆灌

從平縣順流五六里東亭村北山甚高峻上合下

空空微今案戴作窾東西廣二丈許高起今案戴作起如屋

中有石牀甚整頓傍生野韭人往乞者神許則風

吹別分隨偃而輸不得過越不偃而掬今案戴作輸輒

凶往觀者去時特平暨處自然恭肅矣

又東過夷道縣北

夷水又東逕虎灘

岸石有虎像故因以名灘也

夷水又東逕金灘

其石大者如金小者如刁斗形色亂真惟實中耳

夷水又東北有水注之其源百里與丹水出西南望州山又此山在夷水出處與大宛同夷水又東

山形竦峻峯秀甚高東北白巖壁立西南小演通

行登其頂平可有三畝許上有故城城中有水登

城望見一州之境故名望州山俗語訛今名武鍾

山

山根東有湧泉成溪即丹水所發也下注丹水天陰

欲雨輒有赤氣故名曰丹水矣丹水又逕亭下有石

穴甚深未嘗測其遠近

穴中蝙蝠大今案趙有者字如鳥今案趙有悉字多倒懸玄中記

全核水經注 卷三 夷水

曰蝙蝠百歲者倒懸得而服之使人神仙穴口有

泉冬温夏冷有脫文秋則入藏春則出遊民至秋闌

斷水口得魚大者長四五尺骨軟肉美異于餘魚

丹水又逕其下積而為淵淵有神龍每旱村人以芮

今案趙作菑草投淵上流魚則多死龍怒當時大雨丹水

又東北流

兩岸石上有虎跡甚多或深或淺皆悉成就自然

咸非人工

丹水又北注于夷水水色清澈與大溪同夷水又東

北逕夷道縣北而東注

東入于江

夷水又逕宜都北東入大江有涇渭之比亦謂之很

山北溪水

所經皆石山略無土岸其水虛映俯視遊魚如乘

空也淺處多五色石冬夏激素飛清傍多茂木空

岫靜夜聽之恆有清響百鳥翔禽哀鳴相和巡頽

浪者不覺疲而忘歸矣

沮水

沮水出漢中房陵縣睢山

案睢山楊慎本作淮山誤也漢志房陵縣淮山淮水所出

東山沮水所出是房陵固淮山然非沮水所出也睢山即東山之一名字稍近淮因之成說○今案睢山趙

全宋文卷三

古

全水經注 卷三
依全改戴作淮水校
云據漢書當作東山
東南過臨沮縣界

沮水出東汝陽郡沮陽縣西北景山

卽荆山首也高峰霞舉峻竦層雲

山海經云金玉是出亦沮水之所導故淮南子曰沮
出荆山高誘云荆山在左馮翊懷德縣蓋以洛水有
漆沮之名故也斯謬證耳杜預云水出新城郡之西
南發阿山蓋山異名也沮水東南流逕沮陽縣東南
縣有潼水東逕其縣南下入沮今案戴沮水又東南
逕汝陽郡北

卽高安縣界郡治錫城縣居郡下城故新城之下

邑義熙初分新城立西表悉重山也

沮水南逕臨沮縣西青谿水注之水出縣西青山山
之東有濫泉卽青谿之源也口徑數丈其深不測其
泉甚靈潔至于炎陽有亢陰雨無時以穢物投之輒
能暴雨其水導源東流以源出青山故以青谿爲名
尋源浮谿奇爲深峭

盛弘之云稠木傍生凌空交合危樓傾崖恆有落
勢風泉傳響于青林之下巖猿流聲于白雲之上
遊者常若目不周翫情不給賞是以林徒栖託雲
客宅心泉側多結道士精廬焉

青谿又東流入于沮水沮水又屈逕其縣南

晉咸和中為沮陽郡治也

沮水又東南逕當陽縣故城北

城因岡為阻北枕沮川其故城在東一今案戴百無此字

四十里謂之東城在綠林長坂南長坂即張翼德

橫矛處也

沮水又東南逕驢城西磨城東又南逕麥城西

昔關雲長詐降處自此遂叛傳云子胥造驢磨二

城以攻麥邑即諺所云東驢西磨麥城自破者矣

梓材案此十四字趙本據名勝志補今依之○今案趙所據補見刊誤本條戴亦依增惟矣字作也

沮水又南逕楚昭王墓

東對麥城故王仲宣之賦登樓云西接昭邱是也

沮水又南與漳水合焉

又東南過枝江縣東南入于江

沮水又東南逕長城東又東南流注于江謂之沮口也

漳水

漳水出臨沮縣東荆山東南過蓼亭又東過章鄉南

荆山在景山東一今案戴百餘里新城汴鄉縣界雖無此字

羣峰競舉而荆山獨秀

漳水東南流又屈西南逕編縣南

縣舊城之今案趙東北一今按戴百四十里也西

南高陽城今案此五字趙移治許茂故城城南臨

漳水

又南歷臨沮縣之彰今案戴鄉南

昔關羽保麥城詐降而遜潘璋斬之于此

漳水又南逕當陽縣又南逕麥城東

王仲宣登其東南隅臨漳水而賦之曰夾清漳之

通浦倚曲沮之長洲是也

漳水又南滄水注之山海經曰滄水出東北宜諸之

山南流注于漳水按漢志南郡高成縣滄山滄水所

水即油水也不言入漳善長蓋

又南至枝江縣北烏扶邑入于沮

地理志曰禹貢南今案趙條荆山在臨沮縣之東北

漳水所出東至江陵入陽水注于沔非也今漳水于

當陽縣之東南一今案戴百里餘而右會沮水也

油水

油水出武陵孱陵縣西界

縣有白石山油水所出東逕其縣西與滄水合水出

高城縣滄山東逕其縣下東至孱陵縣入油水也

東過其縣北

縣治故城王莽更名孱陸也劉備孫夫人權妹也
又更修之其城背油向澤

又東北入于江

油水自孱陵縣之東北逕公安縣西又北流注于大
江

澧水

澧水出武陵充縣西歷山東過其縣南

澧水自縣東逕臨澧零陽二縣故界

水之南岸白石雙立厥狀類人高各三十丈周四

十丈古老傳言昔充縣尉與零陽尉共論封境因
相傷害化而為石東標零陽西揭充縣後即其地
為臨澧縣之故治梓材案朱謀埠本作西碣充縣
廢省臨澧即其地縣臨澧縣之
故治趙氏刊誤引全校云碣當作揭廢省臨澧四
字衍文當作後即其地為臨澧縣之故治○今案
戴本作西揭充縣充縣廢省臨澧即其地縣之故治臨側澧水故為縣
名晉太康四年置

澧水又東茹水注之水出龍茹山水色清澈漏石分

沙莊辛說楚襄王所謂飲茹溪之流者也茹水東今案

趙有注今案趙澧水
流字有入字

又東過零陽縣之北

澧水

澧水東與溫泉水會水發北山石穴中長三十丈冬夏沸湧若湯焉溫水南流注于澧水澧水又東合零溪水源南出零陽之山歷溪北注澧水澧水又東九渡水注之水南出九渡山山下有溪又以九渡為名山獸咸飲此水而逕越他津皆不飲之

九渡水北逕仙人樓下

傍有石形極方峭世名之為仙樓水自下歷溪曲折逶迤傾注行者間關每所褰泝山水之號蓋亦因事生焉

九渡水又北流注于澧水澧水又東與水入焉水源

出巴東界東逕天門郡婁中縣北又東逕零陽縣注

于澧水澧水又東逕零陽縣南郡緣零溪以著稱矣

梓材案朱箋本作蘊郡零溪以著稱矣趙氏刊誤引全校云蘊字誤緣字移在郡字下○今案戴作郡即零澧水又逕澧今案趙陽縣右會澧水水出建平郡

東逕澧陽縣南

晉太康中置

澧水又左合黃水黃水出零陽縣西北連巫山

溪出雄黃頗有神異採常以冬月祭祀鑿石深數丈方得佳黃故溪水取名焉

黃水北流注于澧水澧水又東注澧水謂之澧口澧

水又東逕澧陽縣南

南臨澧水晉太康四年立天門郡治也吳永安六年武陵郡嵩梁山高峯孤竦素壁千尋望之若亭有似香爐其山洞開玄朗如門高三百丈廣二百丈門角上各生一竹倒垂下拂謂之天帚梓材按此十五字趙本據御覽引荆州圖副記及天中記補今依之。今按趙所據補見朱箋刊誤本條戴亦依增孫休以為嘉祥分武陵置天門郡

澧水又東歷層步山高秀特出山下有峭澗泉流所

發南流注于澧水

又東過作唐縣北

作唐縣後漢分孱陵縣置

澧水入縣左合涪水水出西北天門郡界南流逕涪坪屯屯塌涪水溉田數千頃又東南流注于澧水澧水又東澹水出焉澧水又南逕故郡東東轉逕作唐縣南澧水又東逕南安縣南

晉太康元年分孱陵立

澹水注之水上承澧水于作唐縣東逕其縣北又東注于澧謂之澹口

王仲宣贈士孫文始詩曰悠悠澹澧者也

澧水又東與赤沙湖水會湖水北通江而南注澧謂

之沙口澧水又東南注于沅水曰澧口蓋其枝瀆耳

離騷曰沅有芷兮澧有蘭

又東至長沙下雋縣西北東入于江

澧水流注于洞庭湖俗謂之曰澧江口也

沅水

沅水出牂柯且蘭縣為旁溝水又東至鐔城縣為沅水

東過無陽縣

無水出故且蘭南流至無陽故縣

縣對無水因以氏縣

無水又東南入沅謂之無口沅水東逕無陽縣南臨

運水水源出東南岸許山西北逕其縣南流注于熊

溪

熊溪南帶移山山本在水北夕中風雨旦而山移

水南故山以移為名蓋亦蒼梧郁州東武怪山之

類也梓材案朱箋本作蓋以蒼梧郁州佐山之類也趙氏刊誤引全校云以當作亦佐山當作

怪山。今案戴亦依改

熊溪下注沅水沅水又東逕辰陽縣縣有龍溪水南

出于龍嶠之山北流入于沅沅水又東溢水注之水

今按趙無此字南出扶陽之山北流會于沅沅水又東與序

溪合水出武陵郡義陵縣鄜梁山西北流逕義陵縣

王莽之建平縣也治序溪其城劉備之秭歸馬良出五溪綏撫蠻夷良率諸蠻所築也

所治序溪最為沃壤良田數百頃特宜稻修作無廢

又西北入于沅沅水又東合澱今按趙作柱下同水水導源

澱溪北流注沅沅水又東逕辰陽縣南東合辰水水

出縣三山谷東南流獨母水注之水源南出龍門山

歷獨母溪北入辰水辰水又逕其縣北

舊治在辰水之陽故即名焉楚詞所謂夕宿辰陽者也王莽更名會亭矣

辰水又右會沅水名之為辰谿口武陵有五谿謂雄

谿楠谿無谿酉谿辰溪其一焉夾谿悉是蠻左所居

故謂此蠻為五谿蠻也沅今案戴無此字水又逕沅陵縣西

有武溪源出武山與酉陽分山

水源石上有盤瓠跡猶存矣盤瓠者高辛氏之畜

狗也其毛五色高辛氏患犬戎之暴乃募天下有

能得犬戎之將軍吳將軍頭者妻以少女下令之

後盤瓠遂銜吳將軍之首于闕下帝大喜未知所

報女聞之以為信不可違請行乃以配之盤瓠負

妻今案戴作女入南山上石室中所處險絕人跡不至

帝悲思之遣使不得進經三年生六男六女盤瓠

死因自相夫妻織績木皮染以草實好五色衣裁制皆有尾其母白帝賜以名山其後滋蔓號曰蠻夷今武陵郡夷即盤瓠之種落也其狗皮毛嫡孫世寶錄之

武水南流注于沅沅水又東施水注之水南出施山谿源有陽欺崖崖色純素望同積雪下有二石室先有人居處其閒細泉輕流望川競注故不可得
以言也

施水北流會于沅沅水又東逕沅陵縣北

漢故頃侯吳陽之邑也王莽改曰沅陸縣北枕沅

水

沅水又東逕縣故治北

移縣治之舊城置都尉府

因岡傍阿勢盡川陸臨沅對酉二川之交會也酉水導源益州巴郡臨江縣故武陵之充縣酉源山東南流逕無陽故縣南又東逕遷陵故縣界與西鄉溪合即延江之枝津更始之下流謂之西鄉溪口酉水又東逕遷陵縣故城北

王莽更名曰遷陸也

酉水東逕酉陽故縣南

縣故酉陵也

酉水又東逕沅陵縣北又東南逕潘承明壘西

承明討五溪蠻營軍所築也其城跨山枕谷

酉水又南注沅水闕駟謂之受水其水所決入名曰

酉口沅水又逕竇應明城側

應明以元嘉初伐蠻所築也

沅水又東溪水南出茗山

山深迴險人獸阻絕

溪水北瀉沅川沅水又東與諸魚溪水合水北出諸

魚山

山與天門郡之澧陽縣分嶺

溪水今按趙有合字南流會于沅沅水又東夷水入焉水南

出夷山北流注沅

夷山東接壺頭山山高一百里廣圓三百里山下

水際有新息侯馬援征武溪蠻停軍處壺頭徑曲

多險其中紆折千灘援就壺頭希效早成道遇瘴

毒終沒于此忠以獲謗信可悲矣

劉澄之曰沅水自壺頭枝分跨三十三渡逕交阯龍

編縣東北入于海脈水尋梁乃非關究但古人許以

傳疑聊書所聞耳

又東北過臨沅縣南

臨沅縣與沅南縣分水沅南縣西有夷望山孤竦中流浮險四絕昔有蠻民避寇居之故謂之夷望也南有夷望溪水南出重山遠注沅沅水又東得關下山東帶關溪瀉注沅瀆沅水又東歷臨沅縣西為明月池白壁灣

灣狀半月清潭鏡澈上則風籟空傳下則泉響不斷行者莫不擁楫嬉游徘徊愛玩

沅水又東歷三石澗

鼎足均峙秀若削成其側茂竹便娟致可翫也

又東帶綠蘿山

綠蘿蒙翳頽巖臨水實釣渚漁詠之勝地其迭響若鐘音信為神仙之所居今案此二十九字趙作頽巖臨水懸蘿釣渚漁詠幽谷浮響若鐘十六字此據太平御覽校改戴亦依改

沅水又東逕平山西

南臨沅水寒松上蔭清泉下注栖託者不能自絕于其側

沅水又東逕臨沅縣南

縣南臨沅水因以為名王莽更之曰監沅也縣南有晉徵士漢壽人龔立之墓銘太元中車武子立

縣治武陵郡下本楚之黔中郡矣秦昭襄王二十七年使司馬錯以隴蜀軍攻楚楚割漢北與秦至三十年秦又取楚巫黔及江南地以為黔中郡漢高祖二年割黔中故治為武陵郡王莽更之曰建平也南對沅南縣後漢建武中所置也縣在沅水之陰因以沅南為名縣治故城昔馬援討臨鄉所築也

沅水又東歷小灣謂之枉渚渚東里許便得枉人山山西帶修溪一百餘里
茂竹便娟披溪蔭渚

長川逕引遠注于沅沅水又東入龍陽縣有澹水出漢壽縣西楊山南流東折逕其縣南

縣治索城即索縣之故城也漢順帝陽嘉中改從今名

闕駟以為興水所出東入沅而是水又東歷諸湖方南注沅亦曰漸水也水所入之處謂之鼎口沅水又東歷龍陽縣之汜

今按戴洲作汜

洲長二十里吳丹楊太守李衡植柑于其上臨死敕其子曰吾州里有木奴千頭不責衣食歲絹千疋太史公曰江陵千樹橘可當封君此之謂矣吳

末衡柑成歲絹千疋今洲上猶有陳根餘枿蓋其

遺也胡三省曰汎洲乃柑州非橘州湘水篇臨湘

洲橘洲其一焉張愛民柳行錄

汎水又東逕龍陽縣北城側汎水汎水又東合壽溪

內通大溪口

有木連理根各一岸而凌空交合

其水今案戴上承諸湖下注汎水

又東至長沙下雋縣西北入于江

汎水下注洞庭湖方會于江

延江水

延江水出犍為南廣縣今案趙東至犍柯有又字犍縣又東屈

北流

犍縣故犍為郡治也縣有犍山晉建興元年置平

夷郡

縣有犍水出犍邑西不狼山東與溫水合溫水一曰

煖水出犍為符縣而南入黠水黠水亦出符縣南與

溫水會闕駟謂之闕水俱南入犍水犍水于其縣而

東注延江水按漢志犍為郡符縣溫水南至犍入黠

狼山麓水所出東入汎過郡二行七百三十里今以

是注考之蓋溫入黠黠入延延入汎以入江也說文

溫水出涪南入黔水黔字誤當作黠然善長所引延

卻不錯蓋流俗本之失也。趙本引全氏校語

江水又與漢水合此又是漢水水出犍為漢陽道山關谷

今案此三字趙在王莽之新通也句下

王莽之新通也

東至鼈邑入延江水也

至巴郡涪陵縣注更始水

更始水即延江枝分之始也延江水北入涪陵水涪

陵水出縣東

故巴郡之南鄙王莽更名巴亭魏武分巴今案戴作邑

立今案趙為涪陵郡朱謀埠曰晉書地理志蜀置涪陵郡今云魏武分所未詳

也按晉志又云涪陵是劉璋置劉璋之末巴郡入于張魯魯降曹氏更入魏因置三巴見于魏書則

魏或嘗立涪陵郡未可知也特史志不詳耳

張堪為縣會公孫述擊堪同心義士選習水者筏渡

堪于小別江即此水也其水北至枳縣入江更始水

東入巴東之南浦縣其水注引瀆口今案趙作水石門空

岫陰深邃澗闇密傾崖上合恆有落勢行旅遊瘴將

有逕之梓材案朱箋有處字趙氏刊誤引全校云處字衍文今案此四字戴作時有經之惟處

亦依無不危心于其下又謂之西鄉水亦謂之西鄉

溪溪水間關二百許里方得出山又通波注遠復二

百餘里東南入遷陵縣也

又東南至武陵酉陽縣入于酉水

武陵先賢傳曰潘京世長為郡主簿太守趙偉甚器之問京貴郡何以名武陵京答曰鄙郡本名義陵在辰陽縣界與夷相接數為所破光武時移治東山之上遂爾易號傳曰止戈為武詩云高平曰陵于是名焉

酉水北岸有黠陽縣許慎曰温水南入黠蓋鼈水以下津流沿注之通稱也故縣受名焉西鄉溪口在遷陵縣故城上五十里左合酉水酉水又東際其故城北又東逕酉陽故縣南而東出也
兩縣相去水道可四百許里于酉陽合也

酉水東南至沅陵縣入于沅此是延江水篇注結語後人妄分之耳何焯亦云酉水入沅當附沅水篇但酉水出沅縣明見漢志而應劭于酉陽縣以為酉水所出誤也善長云東逕酉陽則善矣蓋酉水自沅陽縣至此始與延江水合也應劭又曰東入湘亦誤今經文既改隸而其目亦削去焉。今按此條戴本作經

水經注第三十七終 後學王梓材錄董沛重校

水經注第三十八 范陽酈道元註 鄞全祖望校

布政使銜浙江甯紹台兵備道無錫薛福成校刊

又湘水 梓材按此篇全氏割正底本已佚陳生勸以原鈔副本補之惜猶未完也

湘水出零陵始安縣陽海山

即陽朔山也應劭曰湘出零山蓋山之殊名也

山在始安縣北縣故零陵之南部也魏咸熙二年

孫皓之甘露元年 七字註中註。趙本引全氏校語 立始安郡

湘灘同源分爲二水南爲灘水北則湘川東北流羅

君章湘中記曰湘水之出於陽朔則觴爲之舟至洞

庭日月若出入於其中也

東北過零陵縣東

越城嶠水南出越城之嶠嶠即五嶺之西嶺也

秦置五嶺之戍是其一焉

北至零陵縣下注湘水湘水又逕零陵縣南又東北

逕觀陽縣與觀水合水出臨賀郡之謝沐縣界西北

逕觀陽縣西

縣蓋即水為名也

又西北流注於湘川謂之觀口也

又東北過洮陽縣東

洮水出縣西南大山東北逕其縣南

即洮水以立稱矣漢武帝元朔五年封長沙定王

子靖侯狗彘今按載作節侯狗而引史以辨之為侯國王莽更名

之曰洮治也

其水東流注於湘水

又東北過泉陵縣西

營水出營陽冷道縣南留山梓材按朱箋本作南流山趙氏刊誤云流全氏

改作留○今西流逕九疑山下磐基蒼梧之野峯秀

數郡之間羅巖九舉各導一溪岫壑負阻異嶺同勢

遊者疑焉故曰九疑山

大舜窆其陽商均葬其陰按胡三省曰太史公云舜南狩崩於蒼梧歸葬

於江南九疑則蒼梧九疑兩地也合山南有舜廟而

而言之者誤也。趙本引全氏校語

前有石碑文字缺落不可復識自廟仰山極高直

上可百餘里古老相傳言未有登其峯者山之東

北冷道縣界又有舜廟縣南有舜碑碑是零陵太守徐儉立

營水又西逕營道縣馮水注之水出臨賀郡馮乘縣

東北馮岡其水導源馮溪西北流縣以託名焉馮水

帶約眾流渾成一川謂之北渚歷縣北西至關下

關下地名也是商舟改裝之始

馮水又左合萌渚之水水南出於萌渚之嶠五嶺之

第四嶺也

其山多錫亦謂之錫方矣

渚水北逕馮乘縣西而北注馮水馮水又逕營道縣

而右會營水營水又西北屈而逕營道縣西

王莽之九疑亭也

營水又東北逕營浦縣南

營陽郡治也魏咸熙二年吳孫皓分零陵置在營

水之陽故以名郡矣

營水又北都谿水注之水出春陵縣北二十里仰山

南逕其縣西

縣本洽道縣之春陵鄉蓋因春谿為名矣漢長沙定王分以為縣武帝元朔五年封王中子買為春陵節今按戴無此字侯縣故城東又有一城東西相對各方百步古老相傳言漢家舊城漢稱猶存知是節侯故邑也城東角有一碑文字缺落不可復識東南三十里尚有節侯廟

都谿水又南逕新寧縣東

縣東傍都谿

谿水又西逕縣南左與五谿俱會縣有五山山有一谿五水會於谿今按戴作縣門故曰都谿也都谿水自縣

又西北流逕洽道縣北與冷水合水南出九疑山北流逕其縣西南

縣指洽谿以即名王莽之洽陵縣也

冷水又北流注於都谿水又西北入於營水營水又

北流入今按趙作注於營陽峽又北至觀陽縣而出於峽大

小二峽之間為沿沂之極艱矣營水又西北逕泉陵縣西

漢武帝元朔五年以封長沙定王子節侯賢之邑也王莽名之曰溥潤零陵郡治故楚矣漢武帝元鼎六年分桂陽置閩若瓌曰是班志第八縣按志首零陵太史公曰

舜葬九疑實惟零陵或作零郡

四字注中注○趙本引全氏校語○

今按戴以

郡取名焉王莽之九疑郡也下邳陳球

為零陵太守桂陽賊胡蘭攻零陵激流灌城球輒

於內因地勢反決水淹賊相拒不能下縣有白土

鄉零陵先賢傳曰鄭產字景載泉陵人也為白土

嗇夫漢末多事國用不足產子一歲輒出口錢民

多不舉子產乃救命勿得殺子口錢當自代出產

言其郡縣為表上言錢得除更名白土為更生鄉

也晉書地道記

今按趙作志

曰縣有香茅氣甚芬香言

貢之以縮酒也

營水又北流注於湘水湘水又東北與應水合水出

邵陵縣歷山崖墜險阻峻嶒萬尋澄淵湛於下應水

湧於上東南流逕應陽縣南

晉分觀陽縣立蓋即應水為名也

應水又東南流逕有鼻墟南

王隱曰應陽縣本泉陵之北部東五里有鼻墟言

象所封也山下有象廟言甚有靈能興雲雨余所

聞也聖人之神曰靈賢人之精氣為鬼象生不慧

死靈何寄乎

應水又東南流而注於湘水湘水又東北得沅口水

出永昌縣北羅山東南流逕石鷲山東

其山有石紺而狀鷲因以名山其石或大或小若
母子焉及其雷風相薄則石鷲羣飛頡頏如真鷲
矣羅君章云今鷲不必復飛也

其水又東南逕永昌縣南又東流注於湘水又東北
逕祁陽縣南又有餘谿水注之水出西北邵陵郡邵
陵縣東南流注於湘其水揚清汎濁水色兩分湘水
又北與宜谿水合水出湘東郡之新寧縣西南新平
故縣東新寧故新平也

眾川瀉浪共成一津西北流東岸山下有龍穴宜水
逕其下天旱則擁水注之便有雨降宜水又西北注
於湘湘水又西北得春水口水上承營陽春陵縣西
北潭山北逕新寧縣東又西北流注於湘水也
又東北過重安縣東又東北過鄱縣西承水從東南來
注之

承水出衡陽重安縣西邵陵縣界邪薑山東北流至
重安縣逕舜廟下

廟在承水之陰

又東合畧塘相傳云此塘中有銅神今猶時聞銅聲

於水水輒變深

今按戴作綠

作銅腥魚爲之死承水又東

北逕重安縣南

漢長沙頃王子度邑也故零陵之鍾武縣王莽更名曰鍾桓也

武水入焉水出鍾武縣西南表山東流至鍾武縣故城南而東北流至重安縣注於承水至湘東臨承縣北東注於湘謂之承口

臨承即故鄱縣也縣即湘東郡治也郡舊治在湘水東故以名郡魏正元二年吳主孫亮分長沙東部立縣有石鼓高六尺湘水所逕鼓鳴則土有兵

革之事羅君章云扣之聲聞數十里此鼓今無復聲觀陽縣東有裴巖其下有石鼓形如覆船扣之清響遠徹其類也

湘水又北歷印石

石在衡山縣南湘水右側

今按趙有有字

磐石或大或小

臨水石悉有跡其方如印纍然行列無文字如此可二里許因名爲印石也

湘水又北逕衡山縣東

山在西南有三峯一名紫蓋一名石困

按此句据盛弘之荆

州記校增

今

一名芙蓉

今按趙作芙蓉峯最爲

竦傑自遠望之蒼蒼隱天故羅含云望若陣雲非

清霽素朝不見其峯丹水湧其左澧泉流其右山

經謂之岫嶺今按趙有山字為南嶽也山下有舜廟南有

祝融冢楚靈王之世山崩毀其墳得營邱九頭圖

禹治洪水用白馬祭山梓材按宋箋本作治洪水血馬祭山趙氏刊誤引全

校云治上落禹字血馬當作用白馬卷四十衡山注同。今按戴依全增禹字仍作血馬祭山得

金簡玉字之書芙蓉峯之東有仙人石室學者經

過往往聞諷誦之音矣

衡山東南二面臨映湘川自長沙至此沿湘七百里

中有九向九背故漁者歌曰帆隨湘轉望衡九面山

上有飛泉下注下映青林直注山下望之若幅練在

山矣湘水又東北逕湘南縣東又歷湘西縣南

分湘南置也衡陽郡治魏正元二年今案趙一清曰魏正元二

年吳五鳳二年也吳書孫亮傳郡以太平吳孫亮二年置則魏甘露二年也戴經改作甘露

分長沙西部立治湘南晉太守何承天徙治湘西

矣

十三州志曰日華水出桂陽郴縣日華山西至湘南

縣入湘地理志曰郴縣有耒水出耒山西至湘南西

今按趙無此字入湘湘水又北逕麓山東

其山東臨湘川西傍原隰息心之士多所萃焉

又東北過陰山縣西沘水從東南來注之又北過醴陵縣西漉水從東南來注之

續漢書五行志曰建安八年長沙醴陵縣有大山常鳴如牛吼聲積數年後豫章賊攻沒縣亭殺掠吏民因以為候

湘水又北逕建寧縣

西傍湘水

縣北

今按此二字與上四字戴刪

有空冷峽驚浪雷奔清同三峽

湘水又北逕建寧縣故城下

晉太始中立

又北過臨湘縣西瀏水從縣西北流注之

今按戴無此字

縣南有石潭山湘水逕其西

山有石室石牀臨對清流

湘水又北逕昭山西山下有旋泉深不可測故言昭

潭無底也亦謂之曰湘州潭湘水又北逕南津城西

西對橋州

此即胡三省所指之橋州

或作吉字

四字注中注○趙本引全氏校語

為南津州尾

水西有橋洲子戍故郭尚存

湘水又北左會瓦官水口湘浦也又逕船官西

湘洲商舟之所次也北對長沙郡郡在水東州城

南舊治在城中後乃移此

湘水左逕麓山東

上有故城

山北有白露水口湘浦也又右逕臨湘縣故城西

縣治湘水濱臨川側故即名焉王莽改號撫陸故

楚南境之地也秦滅楚立長沙郡即青陽之地也

秦始皇二十六年今按戴有荆王獻青陽以西此

乃二十六年詔書中語漢書鄒陽傳越水長沙還

其時荆亡已三年矣舟青陽注張宴曰青陽地名也蘇林曰青陽長沙

縣也漢高祖五年以封吳芮為長沙王是城即芮

築也漢景帝二年封唐姬子發為王都此王莽之

鎮蠻郡也於禹貢則荊州之域晉懷帝以永嘉元

年分荊州湘中諸郡立湘州治此城之內郡廨西

有陶侃廟云舊是賈誼宅地中有一井是誼所鑿

極小而深上斂下大其狀似壺傍有一腳石牀纔

容一人坐形流俗相承云誼宿所坐牀又有大柑

樹亦云誼所植也城之西北有故市北對臨湘縣

之新治縣治西北有北津城縣北有吳芮冢廣踰

六十八丈登臨寫目為塵郭之佳憩也郭頒世語

云魏黃初末吳人發芮冢取木於縣立孫堅廟見

芮尸容貌衣服並如故吳平後豫今按戴作與發冢人

於壽春見南蠻校尉吳綱曰君形貌何類長沙王

吳芮乎但君微短耳綱瞿然曰是先祖也自芮卒

至冢發四百年至見綱又四十餘年矣梓材按以上原鈔副

本所有以下據趙本大小注仿補之

湘水左合誓口又北得石榔口並湘浦也右合麻溪

水口湘浦也湘水又北逕三石山東

山枕側湘川

北卽三石水口也湘浦也今按戴作矣水北有三石戍戍

城爲二水之會也湘水又逕瀏口戍西北對瀏水

又北瀉水從西南來注之

瀉水出益陽縣馬頭山東逕新陽縣

晉太康元年改曰新康矣

瀉水又東入臨湘縣歷瀉口戍東南注湘水湘水又

北合斷口又北則下營口湘浦也湘水左岸有高口

水出益陽縣西北逕高口戍南又西北上鼻水自鼻

洲上口首受湘西入焉謂之上鼻浦高水西北與下

鼻浦合水自鼻洲下口首受湘川西通高水謂之下

鼻口高水又西北右屈爲陵子潭東北流注湘爲陵

子口湘水自高口戍東又北右會鼻洲左合上鼻口

又北右對下鼻口又北得陵子口湘水右岸銅官浦出焉湘水又北逕銅官山

西臨湘水山土紫色內含雲母今按太平寰宇記補闕引水經注此

下有服之不朽四字當据補故亦謂之雲母山也

又北過羅縣西澗水從東來流注之今案戴無此字

湘水又北逕錫口戍東又北左派謂之錫水西北流逕錫口戍北又西北流屈而東北注玉池水焉水出西

北玉池東南流注於錫浦謂之玉池口錫水又東北東湖水注之水上承玉池之東湖也南流今案戴無此字注於錫謂之三錫逕今案戴作三陽逕

水南有三戍

又東北注於湘湘水自錫口北出又得望屯浦湘浦也湘水又北枝津北出謂之門逕今按戴作涇下同也湘水

紆流西北東北合門水謂之門逕口又北得三溪水口水東承太今案戴作大下同湖西通湘浦三水之會故得

三溪之日耳又北東會大對水口西接三津逕湘水又北逕黃陵亭西右合黃陵水口其水承太湖湖水西流逕二妃廟南

世謂之黃陵廟也言大舜之陟方也二妃從征溺於湘江神遊洞庭之淵出入瀟湘之浦瀟者水清

深也湘中記曰湘川清照五六丈下見底石如擣
菹矢五色鮮明白沙如霜雪赤崖若朝霞是納瀟
湘之名矣故民為立祠於水側焉荆州牧劉表刊
石立碑樹之於廟以旌不朽之傳矣

黃水又西流入於湘謂之黃陵口

昔王子山今案戴作中有異才年二十而得惡夢作夢

賦二十一溺死於湘浦即斯川矣

湘水又北逕白沙戍西又北右會東町口澗水也湘
水又左合泱湖口水出西陂東通湘渚湘水又北汨
水注之水東出豫章艾縣桓山西南逕吳昌縣北與

純水合水源出其縣東南純山西北流又東逕其縣
南又北逕其縣故城下

縣是吳主孫權立

純水又右會汨水汨水又西逕羅縣北

本羅子國也故在襄陽宜城縣西楚文王移之於
此秦立長沙郡因以為縣

謂今按戴此上有水亦二字之羅水汨水又西逕玉笥山

羅含湘中記曰屈潭之左有玉笥山道士遺言此
福地也一曰地腳山

汨水又西為屈潭即汨羅源也汨羅之汨音覓汨沒之汨亦同音其作汨

者音聿亦作兕說文曰治水田藝戴侗誤合之而為一上林賦澤沛宓汨南郡賦滲淚減汨是也義門乃誤以汨羅之汨為汨而汨沒之汨為汨則又誤矣○此重校本夾片

屈原懷沙自沈於此故淵潭以屈為名昔賈誼史遷皆嘗逕此弭檝江波投弔於淵淵北有屈原廟廟前有碑又有漢南太守程堅碑寄在原廟

汨水又西逕汨羅戍南西流注於湘春秋之羅汨矣世謂之汨羅口湘水又北枝分地出逕汨羅戍西又

北逕壘今案戴作磊下同石山東又北逕壘石戍西謂之苟導逕今案戴作涇下同矣而北合湘水湘水自汨羅口西北

逕壘石山西而北對青草湖山西北流又東發其源

亦或謂之為青草山也

西對懸城口湘水又北得九口並湘浦也湘水又東北為青草湖口右會苟導逕北口與勞口合又北得同拌口皆湘浦右迤者也

又北過下雋縣西微水從東來流注之今案戴無此字

湘水左會清水口資水也世謂之益陽江湘水今案戴有之左逕鹿角山東右逕謹亭戍西又北合查浦又北得萬今案戴有石字浦咸湘浦也

側湘浦北有萬石戍

湘水左則沅水注之謂之橫房口東對微湖世或謂

之麋湖也右屬微水即經所謂微水逕下雋者也西

流注於江謂之麋湖口也今案戴無此字湘水又北逕金浦

戍北帶金浦水湖澁也湘水左則澧水注之世謂之

武陵江凡此四水同注洞庭北會大江名之五渚戰

國策曰秦與荆戰大破之取洞庭五渚今案戴有者字也今

太平寰宇記補闕引此注此下有楚辭曰帝子降兮北渚即其地也十三字當補湖水廣圓

五百餘里日月若出沒於其中

北山海經曰洞庭之山帝之二女居焉沅澧之風交

瀟湘之浦出入多飄風暴雨湖中有君山編山君

山有石穴潛通吳之包山郭景純所謂巴陵地道

者也是山湘君之所遊處故曰君山矣昔秦始皇

遭風於此而問其故博士曰湘君出入則多風秦

皇乃赭其山漢武帝亦登之射蛟於是山東北對

編山山多箴竹兩山相次去數十里迴峙相望孤

影若浮

湖之右岸有山世謂之笛烏頭石石北右會翁湖口

水上承翁湖左合洞浦

所謂三苗之國左洞庭者也

又北至巴邛山入於江

山在湘水右岸顧景范以宋人洞庭九江謂本許叔重語大繆叔重何曾有此說乃曾岐

之書曰東陵巴陵也許慎曰迥邪行也今江水過洞庭至巴陵西東北邪行以合彭蠡彥和所引許氏祇邪行一語而顧氏牽連并下文以為皆叔重語曾氏之通鑑注中不然殆難考矣王厚齋云張守節史記正義以巴陵為東陵曾攷蓋本於此益可知許慎無此言矣○梓材按趙本引全氏語於此蓋因巴邱山宋人以為禹貢之東陵也山有巴陵故城

本吳之巴邱邱閣城也晉太康元年立巴陵縣於此後置建昌郡宋元嘉十六年立巴陵郡

城跨岡陵濱阻三江巴陵西對長洲其洲南廢今案戴作

分湘浦北屈大江故曰三江也三水所會亦或謂之

三江口矣夾山列關謂之射獵又北對養口咸湘浦

也水色青黑東北入於大江有清濁之別謂之江會也

資水梓材案以下十四水全氏割正底本及原鈔副本皆無存今從趙本大小注照例補

之○今案王氏既用趙本而所錄經注間有從戴者是自相歧錯也茲悉改正其與戴互異者附注之

資水出零陵都梁縣路山

資水出武陵郡無陽縣界唐糺山蓋路山之別名也

謂之大谿水東北逕邵陵郡武岡縣南

縣分都梁之所置也縣左右二岡對峙重阻齊秀

間可二里舊傳後漢伐五谿蠻蠻保此岡故曰武

岡縣即其稱焉

大谿逕建興縣南又逕都梁縣南

武帝元朔五年以封長沙定王子敬侯遂之邑也

縣西有小山山上有淳水既清且淺其中悉生蘭

草綠葉紫莖芳風藻川蘭馨馥遠俗謂蘭為都梁

山因以為號縣受名焉

東北過夫夷縣

夫水出縣西南零陵縣界少延山東北流逕扶縣南

本零陵之夫夷縣也漢武帝元朔五年以封長沙

定王子敬侯義之邑也

夫水又東注邵陵水謂之邵陵浦口水今案此二字戴乙

又今案戴無此字東北過邵陵縣之北

縣治郡下南陵大谿水逕其北謂之邵陵水

魏咸熙二年吳寶鼎元年五字注中注○趙本引全氏校語孫皓

分零陵北部立邵陵郡於邵陵縣故昭陵也

谿水東得高平水口水出武陵郡沅陵縣首望山西

南流今案戴無此字逕高平縣南又東入邵陵縣界南入於

邵水邵水又東會雲泉水水出零陵永昌縣雲泉山

西北流逕邵陽縣南

縣故昭陽也

雲泉水又北注邵陵水謂之邵陽水口自下東北出益陽縣其間逕流山峽名之為茱萸江蓋水變名也又東北過益陽縣北

縣有關羽瀨所謂關侯灘也南對甘寧故壘昔關羽屯軍水北孫權令魯肅甘寧拒之於是水寧謂肅曰羽聞吾咳唾之聲不敢渡也渡則成擒矣羽夜聞寧處分曰興霸聲也遂不渡

茱萸江又東逕益陽縣北又謂之資水應劭曰縣在益水之陽今無益水亦或資水之殊目矣

然此縣之左右處處有深潭漁者咸輕舟委浪謠

詠相和羅君章所謂其聲綿邈者也水南十里有東北井數百口淺者四五尺或三五丈深者亦不測其深古老相傳昔人以杖撞地輒便成井或云古人采金沙處莫詳其實也

又東與沅水合於湖中東北入於江也

湖即洞庭湖也所入之處謂之益陽江口

漣水

漣水出連道縣西

資水之別梓材案趙氏刊誤引全校云四字是注混作經以先司空校本改○今案戴仍作經水出邵陵縣界南逕連道縣

縣故城在湘鄉縣西今案戴無此字百六十里

控引眾流合成一谿東入衡陽湘鄉縣歷石魚山

下多立石山高八十餘丈廣十里石色黑而理若

雲母開發一重輒有魚形麟鬣今案戴作諸首尾宛若

刻畫長數寸魚形備足燒之作魚膏腥因以名之

漣水又逕湘鄉縣

南臨漣水本屬零陵長沙定王子昌邑

漣水又屈逕其縣東而入湘南縣也

東北過湘南縣南又東北至臨湘縣西南東入於湘

漣水自湘南縣東流至衡陽湘西縣界入於湘水也

於臨湘縣為西南者矣

漣水

漣水出桂陽縣盧聚水經作漣與說文合史記作漣與山經合水經又作桂亦與說文合

若漣則漣之似而訛猶之漣則漣之似而謫也而又有

作漣水者則桂音之近而謫道元特起而糾之今本漣又轉誤作維益不足辨矣○趙本引全氏校語

水出桂陽縣西北上驛山盧溪為盧溪水東南流逕

桂陽縣城謂之漣水地理志曰漣水出桂陽南至四

會是也漣水又東南流出桂陽南至四會今案此八字戴

作嶠水注之嶠之溪溪水下流歷峽南出是峽謂之

貞女峽

峽西岸高巖名貞女山山下際有石如人形高七尺狀如女子故名貞女峽古來相傳有數女取螺於此遇風雨晝晦忽化為石斯誠巨異難以聞信但啟生石中攀瓠空桑抑斯類矣物之變化寧以理求乎

溪水又合漚水漚水又東南入陽山縣右合漚口水源出縣西北一百二十里今案戴作石塘村有東南

流三字

村之今案戴無此二字水側有豫章木本徑可二丈其株

根猶存伐之積載而斧跡若新羽族飛翔不息其

傍眾枝飛散遠集鄉亦不測所如唯見一枝獨在含漚水矣

漚水東南流注於漚漚水又東南流而右與斟水合水導源近出東巖下穴口若井一日之中十溢十竭

信若潮流而注漚水漚水又南逕陽山縣故城西梓

案朱箋本作漚水又南逕縣故城西箋曰孫案南逕下疑脫含漚二字趙氏刊誤引全氏云先贈公云見宋本是陽山二字

○今案戴依全增者舊傳曰往昔縣長臨縣輒遷擢超級太史逕觀言城今案戴無此字勢使然掘斷連岡流血成川城因傾

隨遂即傾敗閣下大鼓飛上臨武乃之桂陽追號

聖鼓自陽山達乎桂陽之武步驛所至循聖鼓道也其道如塹迄於鼓城矣

漚水又逕陽山縣南

縣故含漚縣之桃鄉孫皓分立為縣也

漚水又東南流也

東南過含漚縣

應劭曰漚水東北入沅瓚注漢書沅在武陵去漚遠又隔湘水不得入沅漚水東南左合翁水水出東北利山湖湖水廣圓五里潔踰凡水西南流注於漚謂之翁水口

口已下東岸有聖鼓杖即陽山之鼓杖也橫在川側雖衝波所激未嘗移動百鳥翔鳴莫有萃者船人上下以篙撞者輒有瘡疾

漚水又東南左合陶水水東出堯山

山盤紆數百里有赭巖迭起冠以青林與雲霞亂采山上有白石英山下有平陵有大堂基者舊云堯行宮所

陶水西逕縣北右注漚水漚水又逕含漚縣西

王歆之今案戴無此字始興記曰縣有白鹿城城南有白鹿岡咸康中郡民張魴為縣有善政白鹿來遊故

城及岡並即名焉

南出涯浦關為桂水

關在中宿縣涯水出關右合溱水謂之涯口山海經謂之涅水徐廣曰涅水一名涯水出桂陽通四會亦曰濯水也漢武帝元鼎元年路博德為伏波將軍征南越出桂陽下涅水即此水矣桂水其別名也

深水出桂陽盧聚

呂忱曰深水一名遂水導源盧溪西入營水亂流營波同注湘津許慎云深水出桂陽南平縣也

經書桂陽者縣本隸桂陽郡後割屬始興

縣有盧溪盧聚山在南平縣之南九疑山東也

西北過零陵營道縣南又西北過營浦縣南又西北過

泉陵縣西北七里至燕室邪入於湘

水上有燕室邛亦因為聚名也其下水深不測號曰

龍泉今案戴作淵

鍾水

鍾水出桂陽南平縣都山北過其縣東又東北過宋渚亭又北過鍾亭與濯水合

都山即都龍今案戴作都龐之嶠也今案戴無此字五嶺之第三嶺

也鍾水即嶠水也庾仲初曰嶠水南入始興灌水材梓

案趙一清曰耒水篇引庾說作溱水。今案戴經改溱水注於海北入桂陽湘水

注於江是也灌水即桂水也灌桂聲相近故字隨讀變經仍其非矣桂水出桂陽縣北界山

山壁高聳三面特峻石泉懸注瀑布而下

北逕南平縣而東北流屆鍾亭右會鍾水通為桂水也故應劭曰桂水出桂陽東北入湘

又北過魏寧縣之東

魏寧故陽安也晉太康元年改曰晉寧縣在桂陽

郡東一今案戴無此字百二十里

縣南西二面阻帶清溪桂水無出縣東理蓋縣邑流移今古不同故也

又東今案戴無此字北入於湘

耒水

耒水出桂陽郴縣南山

耒水發源出汝城縣東烏龍白騎山西北流逕其縣

北西流三十里中有十四瀨各數百步濬流奔急竹

節相次亦為行旅溯涉之艱難也又西北逕晉寧縣

北又西左合清溪水口水出縣東黃皮山西南流歷

縣南又西北注於耒水汝城縣在郡東三百里餘今案

此二字戴乙山又在縣東耒水無出南山理也

又北過其縣之西

縣有涿水出縣東俠公山西北流而南屈注於耒謂之程鄉溪

郡置酒官醞於山下名曰程酒獻同鄰也

耒水又西黃水注之水出縣西黃岑山山則騎田之嶠五嶺之第二嶺也黃水東北流案盛弘之云眾山水出注於大溪號曰橫流溪溪水甚小冬夏不乾俗亦謂之為貪泉

飲者輒冒於財賄同於廣州石門貪流矣廉介為

二千石則不飲之昔吳隱之挹而不亂貪豈謂能

汚今案戴作渝其貞乎蓋亦惡其名也

劉澄之謂為一涯溪通四會殊為孟浪而不悉也庾仲初云嶠水南入始興溱水注海即黃岑水入武溪者也北水入桂陽湘水注於大江即是水也右則千秋水注之水出西南萬歲山

山有石室室中有鍾乳山上悉生靈壽木溪下即千溪水也水側民居號萬歲村

其水下合黃水黃水又東北逕其縣東右合除泉水水出縣南湘陂村村有圓水廣圓可二百步一邊暖

全志九經注 卷三
一 邊冷冷處極清綠淺則見石深則見底暖處水白
且濁立素既殊涼暖亦異厥名除泉其猶江乘之半
湯泉也水盛則瀉黃溪水耗則津徑輟流

郴舊縣也桂陽郡治也漢高帝二年分長沙置地
理志曰桂水所出因以名也王莽更名南平縣曰
宣風其城項羽遷義帝所築也縣南有義帝冢內
有石虎因呼爲白虎郡東觀漢記曰茨充字子何
爲桂陽太守民情懶少麓今案戴作麤履足多剖裂茨
教作履今江南知織履皆充之教也黃溪東有馬
嶺山高六百餘丈廣圓四十許里漢末有郡民蘇

航栖遊此山桂陽列仙傳云航郴縣人少孤養母
至孝言語虛無時人謂之癡常與眾兒共牧牛更
直爲帥錄牛無散每至航爲帥牛輒徘徊左右不
逐自還眾兒曰汝直牛何道不走耶航曰非汝曹
所知卽面辭母云受性應仙當違供養涕泗又說
年將大疫死者畧半穿一井飲水可得無恙如是
有哭聲甚哀後見航乘白馬還此山中百姓爲立
壇祠民安歲登民因名爲馬嶺山

黃水又北流注於耒水謂之榔口耒水又西逕華山
之陰

亦曰華石山孤峯特聳枕帶雙流

東則黃溪耒水之交會也耒水東流沿注不得北過其縣西也

西岸連山石泉懸溜行者輒徘徊留念情不極已也

又北過便縣之西

縣故惠帝封長沙王子吳淺為便國案漢表以為江夏之編索隱曰縣屬桂陽當從道元為是淺以惠帝元年封趙本引全氏校語王莽之便屏也

縣界有溫泉水在郴縣之西北

左右有田數千畝資之以溉常以十二月下種明年三月穀熟度此水冷不能生苗溫水所溉年可

三登

其餘波散流入於耒水也

又西北過耒陽縣之東

耒陽舊縣也蓋因水以制名王莽更名南平亭東傍耒水水東肥南有郡故城

縣有溪水東出侯計山其水清澈冬溫夏冷西流謂之肥川川之北有盧塘梓材案朱箋作石盧塘趙氏刊誤云全氏校改有今案戴亦塘池八頃其深不測依改

有大魚常至五月輒一奮躍水湧數丈波襄四陸
細魚奔迸隨水登岸不可勝計又云大魚將欲鼓
作諸魚皆浮聚

水側注西北逕蔡洲

洲西卽蔡倫故宅傍有蔡子池倫漢黃門順帝之
世擣故魚網爲紙用代簡素自其始也

又北過鄱縣東

縣有鄱湖湖中有洲

洲上民居彼人資以給釀酒甚醇美謂之鄱酒歲
常貢之湖邊尙有鄱縣故城治此今案戴無此字西北去

臨承縣一

今案戴無此字十五里從省隸

十三州志曰大別水南出耒陽縣太山北至鄱縣入
湖也

北入於湘

耒水西北至臨承縣而右注湘水謂之耒口也

洙水

洙水出茶陵縣上鄉西北過其縣西

水出江州安成郡廣興縣太平山西北流逕茶陵縣

之南梓材案趙本注中據名勝志洙水條引水經云泉不常見遇邑政清明年穀豐稔其泉淅然如米紺暴涌者舊相傳疾者飲此多愈此三十二字當補於太平山下

漢武帝元朔四年封長沙定王子節侯訢之邑也
王莽更名聲鄉矣

洙水又屈而過其縣西北流注也地理志謂之泥水
者也

又西北過攸縣南

攸水出東南安成郡安復縣封侯山西北流逕其縣
北縣北帶攸溪蓋卽溪以名縣也

漢武帝元朔四年封長沙定王子則爲攸輿侯卽
地理志所謂攸縣者也

攸水又西南流入茶陵縣入於洙水也

又西北過陰山縣南

縣本陽山縣也縣東北猶有陽山故城卽長沙孝
王子宗之邑也形家今案戴無此二字言其勢王故塹山

堙谷改曰陰山縣

縣上有容水自侯曇山下注洙水謂之容口水有大
穴容一百石水出於此因以名焉洙水又西北逕其
縣東又西逕歷口縣有歷水下注洙水謂之歷口洙
水又西北與洋湖水會水出縣西北樂藪岡下洋湖
湖去岡七里湖水下注洙謂之洋湖口

洙水東北有峩山縣東北又有武陽龍尾山並仙

者羽化之處上有仙人及龍馬跡於其處得遺詠
雖神栖白雲屬想芳流藉念泉鄉遺詠在茲覽其
餘誦依然息遠匪直邈想霞蹤愛其文詠可念故
端牘抽札以詮其詠其畧曰登武陽觀樂藪峩嶺
千蕤洋湖口命蜚螭駕白駒臨天水心脚躡千載
後不知如蓋勝賞神鄉秀情超拔矣

又西北入於湘

王澆水

澆水出醴陵縣東澆山西過其縣南山
又西醴陵縣高后四年封長沙相侯越為國

縣南臨淶水水東出安城鄉翁陵山余謂澆淶聲相
近後人藉便以淶為稱雖翁陵名異而即麓是同

屈從縣西西北流至澆浦注入於湘

瀏水

瀏水出臨湘縣東南瀏陽縣
三國志周瑜傳以下雋漢昌瀏陽州陵為奉邑則瀏陽自漢末已有其名雖未為縣而已為邑
若作邑字於經為合○趙本引全氏校語
東北與澆溪今案戴無此字水合

瀏水出縣東江州豫章縣首裨山
案顧祖禹曰今瀏陽之大圍山即首裨山其水曰白沙湖分四派一入袁之萬載一入分寧一入岳之中江其一即瀏水予謂據顧說則經文所言是也善長誤以分寧之水當之不知導源西北首裨山不在豫章也○趙本引全氏校語

全宋文卷之三

卷之三

三

全核水經注 卷三
流逕其縣南縣憑溪以卽名也又西北注於臨湘縣也

西入於湘

澗水

澗水出豫章艾縣

春秋左氏傳曰吳公子慶忌諫夫差不納居於艾是也王莽更名治翰

西過長沙羅縣西

羅子自枝江徙此世猶謂之爲羅侯城也

澗水又西流積而爲陂謂之町湖也

又西至累石山 梓材案朱箋西下落至字趙氏刊入於誤云全氏校增○今案戴亦依增

累石山在北亦謂之五木山山方尖如五木狀故俗人藉以名之

山在羅口北澗水又在羅水南流注於湘謂之東町口者也

蘄水

蘄水出江夏蘄春縣北山

山卽蘄柳也

水首受希水枝津西南流歷蘄山出蠻中故以此蠻

為五水蠻五水即謂蘄水希水巴水也又赤亭水西

歸水今案此十六字戴作謂巴水希水赤亭水西歸水蘄水其一焉

蠻左憑居阻藉山川世為抄暴宋世沈慶之於西

陽上下誅伐蠻夷即五水蠻也

南過其縣西

晉改為蘄陽縣縣徙江洲置大陽戍後齊今案戴重一齊

字昌郡移治於此也

又南至蘄口南入於江

蘄水南對蘄陽洲入於大江謂之蘄口

洲上有蘄陽縣徙

贛水

贛水出豫章南壘縣西北過贛縣東

山海經曰贛水出聶都山東北流注於江入彭澤西

也班固稱南壘縣彭水所發東入湖漢水庾仲初謂

大庾嶠水北入豫章注於江者也地理志曰豫章水

出贛縣西南而北入江蓋控引眾流總成一川雖稱

謂有殊言歸一水矣故後漢郡國志曰贛有豫章水

雷次宗云似因此水為其地名雖十川均流而此源

最遠故獨受名焉劉澄之曰縣東南有章水西有貢

水縣治二水之間二水合贛字因以名縣焉是為謬

也劉氏專以字說水而不知遠失其實矣案章貢圖經曰東江

發源於汀州界之新樂山逕雩都而會於章水西江導源於大庾縣之聶都山與貢水合二水合而為贛則澄之之言未可非也如善長所引山經及庾說但有貢水而無章水恐未足以釋贛水之義也○趙本校語豫章水導源東北流逕南壘縣北贛川石阻

水急行難傾波委注六十餘里又北逕贛縣東

大縣即南康郡治晉太康五年分廬江立

豫章水右會湖漢水水出雩都縣導源西北流逕金

雞石其石孤竦臨水耆老云時見金雞出於石上故石

取名焉

取名焉

湖漢水又西北逕贛縣東西入豫章水也

又西北過廬陵縣西

廬陵縣即王莽之桓亭也

十三州志稱廬水西出長沙安復縣梓材案趙氏朱

復當作安成漢地志長沙安成縣莽曰用成案全氏云考晉太康中改安成為安復宋齊因之闕氏作志時稱安復是也唯是縣改安復時郡亦改稱安成則當云安成安復不當襲舊隸曰長沙也朱氏欲改安復為安成殆不考晉志故耳○今案戴作安城

武帝元光六年封長沙定王子劉蒼為侯國即王

莽之思今案戴成也吳寶鼎中立以為安成郡

東至廬陵入湖漢水也

又東北過石陽縣西

漢和帝永平九年分廬陵立漢獻帝興平今案戴作初平

二年吳長沙桓王立廬陵郡治此

豫章水又逕其郡南

城中有井其水色半青半黃黃者如灰汁取作飲粥悉皆金色而甚芬香

又東北過漢平縣南又東北過新淦縣西

牽水西出宜春縣

漢武帝元光六年封長沙定王子劉成為侯國王莽之脩曉也

牽水又東逕吳平縣

舊漢平也晉太康元年改為吳平矣

牽水又東逕新淦縣

即王莽之偶亭

而注於豫章水湖漢及贛並通稱也又淦水出其縣下注於贛水

又北過南昌縣西

盱水出南城縣西北流逕南昌縣南西注贛水又有濁水注之水出康樂縣

故陽樂也

濁水又東逕望蔡縣

縣因汝南上蔡民萍居此土晉太康元年改爲望蔡縣

濁水又東逕建成縣

漢武帝元光四年梓材案趙本引沈炳異曰案本表是元朔封長沙定

王子劉拾爲侯國王莽更名之曰多聚也縣出然石異物志曰石色黃白而理疏以水灌之便熱以鼎著其上炊足以熟置之則冷灌之則熱如此無窮元康中雷孔章入洛賫石以示張公張公曰此謂然石於是乃知其名

濁水又東至南昌縣東流入於贛水贛水又歷白社

西

有徐孺子墓吳嘉禾中太守長沙徐熙於墓隧種松太守南陽謝景於墓側立碑永安中太守梁郡夏侯嵩於碑傍立思賢亭松大合抱亭世修治至今謂之聘君亭也

贛水又北歷南塘

塘之東有孺子宅際湖南小洲上孺子名稚今案戴作

釋下南昌人高尚不仕太尉黃瓊辟不就桓帝間同尚書合陳蕃徐稚袁閎誰爲先後蕃答稱袁生公

族不鏤自雕至徐稚傑出薄域故宜爲先桓帝備
禮徵之不至太原郭林宗有母憂稚往弔之置生
芻於廬前而去眾不知其故林宗曰必孺子也詩
云生芻一束其人如玉吾無德以堪之年七十二
卒

贛水又逕谷鹿洲

卽蓼子洲也

梓材案此五字趙氏朱箋刊誤云據名勝志補今依之。今案戴亦依增

舊作大編處

贛水又北逕南昌縣故城西

於春秋屬楚卽令尹子蕩師於豫章者也秦以爲

廬江南部漢高祖六年始命陳嬰以爲豫章郡治
此卽陳嬰所築也王莽更名縣曰宜善郡曰九江
焉劉歆云湖漢等九水入彭蠡故言九江矣陳蕃
爲太守署徐稚爲功曹蕃在郡不接賓客唯稚來
特設一榻去則懸之此卽懸榻處也建安中更名
西安晉又名爲豫章城之南門曰松陽門門內有
樟樹高七丈五尺大二十五圍枝葉扶疎垂蔭數
畝應劭漢官儀曰豫章樟樹生庭中故以名郡矣
此樹嘗中枯逮晉永嘉中一旦更茂豐蔚如初咸
以爲中宗之祥也禮斗威儀曰君政訟平豫樟常

爲生太興中元皇果興大業於南故郭景純南郊賦云弊樟擢秀於祖邑是也以宣王祖爲豫章故也

贛水北出際西北歷度支步

是晉度支校尉立府處步卽水渚也

贛水又逕郡北爲津步

步有故守賈萌廟萌與安成今案戴無此字侯張普爭地

爲普所害卽日靈見津渚故民爲立廟焉賈萌事太平御覽引謝承後漢書謂是討莽而死又引安成記謂

爭地而死然考之漢書王莽傳則是爲莽九江太守拒漢而死其亦異矣豈同時先後之間有二賈萌又皆爲南州牧守耶。趙本引全氏校語

水之西岸有磐石謂之石頭

津步之處也

西行二十里曰厭今案戴作散原山疊嶂四周杳邃有趣

晉隆安末沙門竺曇顯建精舍於山南僧徒自遠

而至者相繼焉

西北五六里有洪井飛流懸注其深無底

舊說洪崖先生之井也

北五六里有風雨池言山高瀨激激著樹木霏散遠灑若雨西有鸞岡

洪崖先生乘鸞所憩泊也

岡西有鵠嶺

云王子喬控鵠所逕過也

有二崖號曰大蕭小蕭

言蕭史所遊萃處也雷次宗云此乃繫風捕影之

論據實本所未辯聊記奇聞以廣井魚之聽矣又

案謝莊詩莊嘗遊豫章觀井賦詩言鸞岡四周有

水謂之鸞陂似非虛論矣

東大湖十里二百二十六步北與城齊南緣迴折至

南塘水今案戴通章江增減與江水同漢永元中太守張躬築塘以通南路兼過此水冬

夏不增減水至清深魚甚肥美每於夏月江水溢

塘而過居民多被水害至宋景平元年太守蔡君

西起隄開塘為水門水盛旱則閉之梓材案朱箋

刊誤云全氏校增內多則洩之自是居民少患矣

○今案戴亦依增

贛水又東北逕王步

步側有城云是孫奮為齊王鎮此城之渚今案戴

今謂之王步蓋齊王之渚步也郡東南二十餘里

又有一城號曰齊王城築道相通蓋其離宮也

贛水又北逕南昌左尉廨西

漢成帝時九江梅福為南昌尉居此後福一旦捨

妻子去九江傳云得仙

贛水又北逕龍沙西

沙甚潔白高峻而陁有龍形連互五里中舊俗九月九日升高處也昔有人於此沙得故冢刻磚題云西去江七里半筮言其吉卜言其凶而今此冢垂沒於水所謂筮短龜長也

贛水又逕椒邱城下

建安四年孫策所築也

贛水又歷釣圻邸閣下

度支校尉治太尉陶侃移置此也舊夏月邸閣前

洲沒去浦遠景平元年校尉豫章因運出之力

梓

案趙氏朱箋刊誤引全氏曰校尉失其姓名出字疑作米於渚次聚石為洲長六十餘丈洲裏可容數十舫

贛水又北逕鄒陽縣

王莽之豫章縣也

餘水注之水東出餘汗縣

王莽名之曰治干也

餘水北至鄒陽縣注贛水贛水又與鄱水合水出鄱陽縣東西逕其縣南

武陽鄉也地有黃金可今案戴無此字宋王莽更曰鄉亭

孫權以建安十五年分爲鄱陽郡

鄱水又西流注於贛又有繚水入焉梓材案舊本作僚水趙氏朱箋

刑誤引全氏云寰宇記作繚水以其水導源建昌縣范史校之良是。今案戴亦依改

漢元帝永光二年分海昏立

繚水東逕新吳縣

漢中平中立

繚水又逕海昏縣

王莽更名宜生

謂之上繚水又謂之海昏江分爲二水

縣東津上有亭爲濟渡之要

其水東北逕昌邑城而東出豫章大江謂之慨口

昔漢昌邑王之封海昏也每乘流東望輒憤慨而

還世因名焉

其一水枝分別注入於脩今案戴作循下同水也

又北過彭澤縣西

脩水出艾縣西東北逕豫寧縣

故西安也晉太康元年更從今名

脩水又東北逕永脩今案戴亦作循縣

漢靈帝中平二年立

脩水又東北注贛水其水總納十川同臻一瀆俱注

於彭蠡也

郡國志云贛有豫章水雷次宗云十川均流此源最遠善長亦云贛水總納十川案

漢志豫章郡贛縣下云豫章水出西南北入大江雩

都縣下云湖漢水東至彭澤入江行千九百八十里

卽注所謂豫章水右會湖漢水者也其十川漢志南

壑縣下云彭水東入湖漢長沙國安成縣下云廬水

東至廬陵入湖漢宜春縣下云南水東至新淦入湖

漢新淦縣下應劭曰淦水所出西入湖漢南城縣下

云盱水西北至南昌入湖漢建城縣下云鄒陽入湖漢

南昌入湖漢餘汗縣下云餘水在北至鄒陽入湖漢

鄱陽縣下云鄱水西入湖漢艾縣下云脩水東北至

彭澤入湖漢行六百六十里蓋十川者合湖漢水之

經流而爲十也湖漢水源流最長次之則脩水今校

之水經鄱水下多繚水則除湖漢水得十川○趙本

引全氏

校語

北入於江

大江南贛水總納洪流東西四十里而今案戴清潭無此字

遠漲綠波凝淨而會注於江川

廬江水

廬江水出三天子都北過彭澤縣西北入於江

山海經三天子都一曰天子鄩王彪之廬山賦敘曰

廬山彭澤之山也雖非五嶽之數穹窿嵯峨實峻極

之名山也孫放廬山賦曰尋陽郡南有廬山九江之

鎮也臨彭蠡之澤接平敞之原開山圖曰山四方周

四百餘里疊鄩之巖萬仞懷靈抱異苞諸仙迹

豫章舊志曰廬俗字君孝本姓匡父東野王共鄩

陽令吳芮佐漢定天下而亡漢封俗於鄒陽曰越

廬君俗兄弟七人皆好道術遂寓精爽於宮亭之
 山故世謂之廬山漢武帝南巡觀山以為神靈封
 俗大明公遠法師廬山記曰殷周之際匡俗先生
 受道仙人共遊此山時人謂其所止為神仙之廬
 因以名山矣又案周景式曰廬山匡俗字子孝本
 東里子出周武王時生而神靈屢逃徵聘廬於此
 山時人敬事之俗後仙化空廬猶存弟子觀室悲
 哀哭之旦暮事同烏號世稱廬君故山取號焉斯
 耳傳之談非實證也故豫章記以廬為姓因廬以
 氏周氏遠師或託廬墓今案戴作墓為辭假憑虛以託

稱二證既違三今案戴作二情互爽案山海經創志今按
戴作大禹記錄遠矣故海內東經曰廬江出三天
 子都入江彭澤西是曰廬江之名山水相依互舉
 殊稱明不因匡俗始正是好事君子強引此類用
 成章句耳又案張華博物志曹著傳其神自云姓
 徐受封廬山後吳猛經過山神迎猛猛語曰君王
 此山近六百年符命已盡不宜久居非據猛又贈
 詩云仰矚列仙館俯察王神宅曠載暢幽懷傾蓋
 付三益此乃神道之事亦有換轉理難詳矣吳猛
 隱山得道者也潯陽記曰廬山上有三石梁長數

十丈廣不盈尺杳然無底吳猛將弟子登山過此
梁見一翁坐桂樹下以玉杯承甘露漿與猛又至
一處見數人爲猛設玉膏猛弟子竊一寶欲以來
示世人梁卽化如指猛使送寶還手牽弟子令閉
眼相引而過

其山川明淨風澤清曠氣爽節和土沃民逸嘉遯之
士繼響窟巖龍潛鳳采之賢往者忘歸矣秦始皇漢
武帝及太史公司馬遷咸升其巖望九江而眺鍾彭
焉廬山之北有石門水水出嶺端有雙石高竦其狀
若門因有石門之目焉水導雙石之中懸流飛瀑近

三百許步下散漫千今案戴作十許步上望之連天若曳
飛練於霄中矣

下有磐石可坐數十人冠軍將軍劉敬宣每登陟
焉

其水厯澗逕龍泉精舍南

太元中沙門釋慧遠所建也

其水下入江南嶺卽彭蠡澤西天子鄣也峰磴險峻
人跡罕及嶺南有大道順山而下有若畫焉

傳云匡先生所通至江道巖上有宮殿故基者三
以次而上最上者極於山峰山下又有神廟號曰

全宋文卷之九
宮亭廟故彭湖下有宮亭之稱焉余案爾雅云大山曰宮宮之爲名蓋起於此不必一由三宮也山廟甚神能分風擘流住舟遣使行旅之人過必敬祀而後得去故曹毗詠云分風爲二擘流爲兩昔吳郡太守張公直自守徵還道由廬山子女觀祠婢指女戲妃像人其妻夜夢致聘怖而遽發明引中流而船不行合船驚懼曰愛一女而合門受禍也公直不忍遂令妻下女於江其妻布席水上以其亡兄女代之而船得進公直方知兄女怒妻曰吾何面目於當世也復下已女於水中將渡遙見

二女於岸側傍有一吏立曰吾廬君主簿敬君之義悉還二女故干寶書之於感應焉

山東有石鏡照水之所出有一圓石懸崖明淨照見人形晨光初散則延曜入石豪細必察故名石鏡焉又有二泉常懸注若白雲帶山廬山記曰白水在黃龍南卽瀑布也水出山腹挂流三四百丈飛湍林表望若懸素注處悉成巨井其深不測其水下入江淵廬山之南有上霄石高壁緬然與霄漢連接秦始皇三十六年歎斯嶽遠遂記爲上霄焉上霄之南大禹刻石誌其丈尺里數今猶得刻石之號焉湖中有落

星石周迴百餘步高五丈上生竹木傳曰有星墜此因以名焉又有孤石介立大湖中周迴一里竦立百丈轟然高峻特為瓌異上生林木而飛禽罕集言其上有玉膏可采所未詳也耆舊云昔禹治洪水至此刻石紀功或言秦始皇所勒然歲月已久莫能辨之也

水經注第三十八終 後學王梓材錄董沛重校

水經注第三十九 范陽酈道元注 鄞全祖望校

布政使銜浙江甯紹台兵備道無錫薛福成校刊

泔水出漢中南鄭縣東南旱山北至安今案趙陽縣南

入于沔史記沔泔既道鄭康成尚書注曰水自漢出為

谷水師古曰音潛其字亦或從水而不即以爲尚書之

潛何哉及讀鄭注有曰安陽之潛尾入漢耳首不自漢

出也此言了然乃知潛泔字通而

泔水即黃水也東北流逕成固南城北

城在山上或言韓信始立或言張良創築未知定所制矣義熙九年索遐為果州刺史自成固治此

故謂之南城城周七里矜澗帶谷絕壁百尋北谷口造城東門傍山尋澗五百有餘盤道登陟方得城治城北水舊有桁北渡泔水水北有趙軍城城北又有桁渡沔取北城城即大成固縣治也

黃水右岸有悅歸館泔水厯其北北至安今案趙陽

左入沔為泔水口也今案此八字趙作合沔為三水口也七字

粉水

粉水出房陵縣東流過郢邑南

粉水導源房陵東流逕今案趙上粉縣取此水以漬

粉則皓耀鮮潔有異眾流故縣水亦取名焉

又東過穀邑南東入于沔

粉水至筑陽縣西而下注于沔水謂之粉口

粉水傍有文將軍冢梓材案朱謀埠本粉水下落傍字趙氏刊誤云全氏校增

○今案戴墓隧前有石虎石柱甚修麗閭邛羨之亦依增

為南陽葬婦墓側將平其域夕忽夢文諫止羨之不從後羨之為楊佺期所害論者以為文將軍之崇也

均水

均水出析縣北山南流過其縣之東

均水發源弘農郡之盧氏縣熊耳山

山南即修陽葛陽二縣界也雙峯齊秀望若熊耳

因以為名齊桓公召陵之會西望熊耳即此山也

太史公司馬遷皆嘗登之縣即析縣之北鄉故言

出析今案趙無此字縣北山今案趙無此字也

均水又東南流逕其縣下南越南鄉縣又南流與丹

水合

又南當涉都邑北南入于沔

均水南逕順陽縣西

漢哀帝更為博山縣明帝復曰順陽應劭曰縣在

順水之陽今于是縣則無聞於順水矣章帝建初

四年封衛尉馬廖為侯國晉太康中立為順陽郡

縣西有石山南臨均水

均水又南流注于沔水謂之均口者也故地理志謂

之育水梓材案育舊作消趙氏朱箋刊誤引全校云漢書地理志弘農郡盧氏縣下云育水南至

順陽入沔育消之不可混猶洑洑之不可通也蓋與過鄧入沔之消水有別也下同○今案戴仍作消

言熊耳之山育水出焉又東南至順陽入于沔

丹水

丹水出京兆上洛縣西北冢嶺山

一名高豬嶺今案趙作山也丹水東南流與清池水合水

源東北出清池山西南流入于丹水

東南過其縣南

縣故屬京兆晉分爲郡地道記曰郡在洛上故以爲名竹書紀年晉烈公三年楚人伐我南鄙至于

上洛

楚水注之

今案趙有楚字

水源出上洛縣西南楚山

昔四皓隱于楚山卽此山也

其水兩源合舍于四皓廟東又東逕高車嶺南翼帶

衆流北轉入丹水

嶺上有四皓廟

丹水自倉野又東歷兔和山

卽春秋所謂左師軍于兔和右師軍于倉野者也

又東南過商縣南又東南至于丹水縣入于均今案趙作均下

同

契始封商魯連子曰在太華之陽皇甫謐闕駟並

以爲上洛商縣也殷商之名起于此矣

丹水自商縣東南流注歷少習出武關

應劭曰秦之南關也通南陽郡春秋左傳哀公四

年楚左司馬使謂陰地之命大夫士蔑曰晉楚有

盟好惡同之不然將通于少習以聽命者也京相

璠曰楚通上洛阨道也漢祖下析

今案趙作淝下同

酈攻

武關文穎曰武關在析縣西一今案戴無此字百七十里

弘農界也

丹水又東南流入白口歷其成下又東南析水出析縣西北弘農盧氏縣大嵩山南流逕修陽縣故城北縣即析之北鄉也

又東入析縣流結成潭謂之龍淵清深神異耆舊傳云漢祖入關逕觀是潭其下若有府舍焉事既非恆難以詳矣其水又東逕其縣故城北

蓋春秋之白羽也左傳昭公十八年楚使王子勝遷許于析是也郭仲產云相承言此城漢高所築

非也余案史記楚襄王元年秦出五關斬衆五萬

取析一今案戴無此字十五城漢祖入關亦言下析酈非

無城之言修之則可矣

析水又歷其縣東樂史曰今析水逕縣西

王莽更名縣爲古亭也沈炳異曰今本漢志作君亭○今案戴徑改君亭

而南流入丹水縣注于丹水故丹水會洶有析口之稱丹水又東南逕一故城南

名曰三戶城昔漢祖入關王陵起兵丹水以歸漢祖此城疑陵所築也

丹水又逕丹水縣故城西南

縣有密陽鄉古商密之地昔楚申息之師所成也

春秋之三戶矣杜預曰縣北有三戶亭竹書紀年

曰壬寅孫何侵楚入三戶郭者是也水出丹魚先

夏至十日夜伺之魚浮水側赤光上照如火網而

取之割其血以塗足可以步行水上長居淵中

丹水東南流至其縣南黃水出北予山黃谷趙一清曰北予

山當作北芬山余案漢志謂黃水入于湍水不入于

丹水而是經湍水篇謂湍水出北芬山當並存其說

○今案戴作北出芬山南逕丹水縣南注于無此字丹水

黃水北有墨山山石悉黑績彩奮發黝焉若墨故謂之墨山今河南新安縣有石墨山斯其類也丹

水南有丹崖山山悉赭壁霞舉若紅雲秀天二岫

更爲殊觀矣

丹水又南逕南鄉縣故城東北

漢建安中割南陽右壤爲南鄉郡逮晉封宣帝孫

暢爲順陽王因立爲順陽郡而南鄉爲縣舊治鄴

城永嘉中丹川浸沒至永和中徙治南鄉故城城

南門外舊有郡社柏樹大三十圍蕭欣爲郡伐之

言有大蛇從樹腹中墜下大數圍長三丈羣小蛇

數十隨入南山聲如風雨伐樹之前見夢于欣欣

不以厝意及伐之更少日果死

丹水又東逕南鄉縣北

興寧末太守王靡之改築今城城北半據在水中左右夾澗深長及春夏水漲望若孤洲矣城前有晉順陽太守丁穆碑郡民范甯立之

丹水逕流兩縣之間逕歷於中之北

所謂商於者也故張儀說楚絕齊許以商於之地六百里謂以此矣通典今鄧州內鄉東七里有於村呂氏春秋曰堯有丹水之戰以服南蠻卽此水也

又南合洧水謂之析口

洧水

洧水出弘農盧氏縣攻

今案戴作支下同

離山東南過南陽西

鄂縣西北又東過宛縣南

洧水導源弘農

趙氏朱箋刊誤云導源下落弘農二字全氏校增○今案戴仍缺東

流逕酈縣故城北

郭仲產曰酈縣故城在攻離山東

今案戴有南字酈舊縣

也三倉曰樊鄧酈酈有二城北酈也漢祖入關下

析酈卽此縣也

洧水又東南流歷雒縣之雒

今案戴無此字

衡山東逕百章

郭北又東魯陽關水注之水出魯陽縣南分水嶺南水自嶺南流北水從嶺北注故世俗謂此嶺爲分頭

也其水南流遲魯陽關

左右連山插漢秀木干雲是以張景陽詩云朝登

魯陽關峽路峭且深亦司馬芝與母遇賊處也

關水歷雒衡山西南逕皇后城西

建武元年世祖遣侍中傅俊持節迎光烈皇后于

清陽俊發兵三百餘人宿衛皇后道路歸京師蓋

稅舍所在故城得其名矣山有石室甚飾潔相傳

名皇后浴室又所幸也

關水又西南逕雒縣故城南

今案

趙作兩童二雒也得雌者霸雄者王二童翻飛化為

雙雒先武獲雒于此山以為中興之祥故置縣以

名焉

關水又屈而東南流注于涓涓水又東南流逕博望

縣故城東

郭仲產曰在郡東北一今案戴百二十里漢武帝

置校尉張騫隨大將軍衛青西征為軍前導相望

水草得以不乏元光六年封騫為侯國地理志

趙有曰字南陽有博望縣王莽改之曰宜樂也

涓涓水又東南逕西鄂今案趙故城東

應劭曰江夏有鄂故加西也昔劉表之攻杜子緒于西鄂也功曹柏孝長聞戰鼓之音懼而閉戶蒙被自覆漸登城而觀言勇可習也

涪水又南涿水注之水出弘農郡盧氏縣之熊耳山東南逕酈縣北東南逕房陽城北

漢哀帝四年封南陽太守孫寵為侯國案本表俗曰龍亢謂之房陽川

又逕西鄂縣南

水北有張平子墓墓之東側墳有平子碑文字悉是古文篆額是崔瑗之辭盛弘之郭仲產並云夏

侯孝若為郡薄其文復刊碑陰為銘然碑陰二銘

乃是崔子玉及陳翕耳而非孝若悉是隸字二首並存嘗無毀壞又言墓次有二碑今惟見一碑或

是余夏逕今案戴趙並作景驛途疲而莫究矣水南道側有二石樓相去六七丈雙時齊竦高可丈七八柱

圓圍二丈有餘石質青綠光可以鑒其上欒樞承棋雕簷四注窮巧綺刻妙絕人工題言蜀郡太守

姓王字子雅南陽西鄂人有三女無男而家累千金父沒當葬女自相謂曰先君生我姊妹無男兄

弟今當安神立宅翳靈后土冥冥絕後何以彰吾

君之德各出錢五百萬一女築墓二女建樓以表
孝思銘曰墓樓東平林下近墳墓而不能測其處
所矣

洹水又東南流注于清水世謂之肄水肄洹聲相近
非也地理志曰熊耳之山出三水洹水其一焉東南
至魯陽入洧是也清水又南逕預山東
山上有神廟俗名之爲獨山也山南有魏車騎將
軍黃權夫妻二冢地道潛通其冢前有四碑其二
魏明帝立二是其子及臣吏所樹者也

清水又西南逕史定伯碑南又西爲瓜里津

水上有三梁謂之瓜里渡自宛道途東出赭陽

漢志

續志晉志皆作堵陽魏收志始作赭陽然水經舊
本仍作堵陽章懷註引水經注云堵水南逕小堵
鄉可證也世本忽堵忽赭不亦惑乎○今案戴作堵下同
西道方成建武三年
世祖自赭陽西入破虜將軍鄧奉怨漢掠新野拒
瓜里上親搏戰降之夕陽下遂斬奉郡國志所謂
宛有瓜里津夕陽聚者也阻橋卽桓溫故壘處溫
以升平五年與范汪衆軍北討所營

清水又西南逕晉蜀郡太守鄧義山墓南又南逕宛
城東

其地今案戴作城故申伯之都楚文王滅申以爲縣也

秦昭襄王使白起為將伐楚取郢卽以此地為南陽郡改縣曰宛王莽更名郡曰前隊縣曰南陽劉善曰在中國之南而居陽地故以為名大城西南隅卽古宛城也荊州刺史治故亦謂之荊州城今南陽郡治大城其東城內有舊殿基周二百步高八尺階階皆砌以青石大城西北隅有基周一今案戴無此字百步高五尺蓋更始所起也城西三里有古臺高三今案趙丈餘文帝黃初中南巡行所築也

清水又屈而逕其縣南

故南都賦所言清水蕩其胸者也王莽地皇二年

朱鮪等共于城南會諸將設壇燔燎立聖公為天子于斯水上世語曰張繡反公與戰敗子昂不能騎進馬于公而昂遇害魏書曰公南征至宛臨清水祠陣亡將士歔歔流涕衆皆哀慟今案水清水又南梅谿水注之水出縣北紫山南逕百里奚故宅

奚宛人也于秦為賢大夫所謂迷虞智秦者也

梅溪又逕宛西呂城東

史記曰呂尙先祖為四嶽佐禹治水有功虞夏之際受封于呂故因氏為呂尙也徐廣史記音義曰

呂在宛縣高后四年封昆弟子呂忿為呂城侯疑
即此也又案新蔡縣有大呂小呂亭而未知所是
也

梅谿又南逕杜衍縣東

故城在西漢高帝七年封郎中王翳為侯國王莽
更之曰閏衍矣

土地墊下湍谿是注古人于安衆場之令遊水是瀦
謂之安衆港

世祖建武三年上自宛遣潁陽侯祭遵西擊鄧奉
弟終破之于杜衍進兵涅陽者也

梅溪又南謂之石橋水又謂之女今案趙谿南今案
合流而左注涓水作汝

又風南就聚者也郭仲產言宛城南三十里有一城甚
卑小相承名三公城漢時鄧禹等歸鄉餞離處也
盛弘之著荊州記以為三公置余按涓水左右舊
有二澁所謂南澁北澁者水側之瀆聚在涓陽之
東北考古推地則近矣城側有范蠡祠蠡宛人祠
即故宅也後漢未有范曾字子閔為大將軍司馬
討黃巾賊至此祠為蠡立碑文勒可尋夏侯湛之

為南陽又為立廟焉城東有大將軍何進故宅城
 西有孔嵩舊居嵩字仲山宛人與山陽范式有斷
 金契貧無養親賃為阿街卒遣迎式式下車把臂
 曰子懷道卒伍不亦痛乎嵩曰侯嬴賤役晨門卑
 下之位古人所不恥何痛之有故其讚曰仲山通
 達卷舒無方屈身廝役挺秀含芳
 又屈南過清陽縣東

清水又南入縣逕小長安源國志也南朝宋書
 司馬彪郡國志曰縣有小長安聚謝沈漢書稱光
 武攻清陽不下引兵欲攻窳至小長安與甄阜戰

敗于此

清水又西南逕其縣故城南

桓帝延熹七年封鄧康為侯國

沈炳異曰康封此陽其弟素封清陽

○今案戴縣故南陽典農治後以為清陽郡省郡

復縣避晉簡文諱更名云今案戴陽焉

清水又逕安樂郡北

漢桓帝建和六年

沈炳異曰是元年○今案戴依此徑改元年封司徒

胡廣為清陽縣安樂鄉侯今于其國立樂宅成郭

仲產襄陽記曰南陽城南九十里有晉尚書令樂

廣故宅廣字彥輔善清言見重當時成都王廣女

婿長沙王猜之廣曰寧以一女而易五男猶疑之
終以憂殞其故居今置戍因以為名

又南過新野縣西

清水又南入新野縣枝津分派東南出隰衍苞注梓

案朱箋本作苞隰衍注趙氏刊誤云全左積為陂東氏校改隰衍苞注。今案戴亦依改

西九里南北一今案戴無此字十五里陂水所溉咸為良沃

清水又南與湍水會又南逕新野縣故城西

世祖之敗小長安也姊元遇害上即位感悼姊沒

追諡元為新野節義長公主即此邑也晉咸寧二

年封大司馬扶風武王少子歆為新野郡公割南

陽五屬棘陽蔡陽穰鄧山都封焉王文舒更立中

隔案此處有脫文西即郡治東則民居城西傍清水

又東與朝水合水出西北赤石山而東南逕冠軍縣

界

地名沙渠

又東南逕穰縣故城南

楚別邑也秦拔郢郢即以爲縣秦昭王封相魏冉

為侯邑王莽更名曰農穰也魏荊州刺史治

朝水又東南分為二水一水枝分東北為樊氏陂陂

東西十里南北五里俗謂之凡亭陂

陂東有樊氏故宅樊氏既滅庾氏取其陂故諺曰
陂汪汪下田良樊子失業庾公昌

昔在晉世杜預繼信臣之業復六門今案趙陂塌今有之字

戴趙六門之水下結二十九陂諸陂散流咸入朝水

事見六門碑六門既陂諸陂遂斷朝水又東逕朝陽

縣故城北而東南注于清水又東南與棘水合水上

承赭今案戴作堵下同水赭水出棘陽縣北山數源並發南

流逕小赭鄉謂之小赭水

世祖建武二年成安侯臧宮從上擊赭鄉
東源方七八步騰湧若沸故世名之騰沸水南流逕

于赭鄉謂之赭水

建武二今案戴作三年祭遵引兵南擊董訢于赭鄉

以水氏縣故有赭陽之名也地理志曰縣有赭水

王莽曰陽城也漢哀帝改為順陽案漢志云博山哀帝置故順陽

非赭陽也道元于均水篇已言之矣建武二年更封安陽侯朱祐為

赭陽侯

赭水于縣塌以為陂東西夾岡水相去五六里古今

斷岡兩舌都水潭漲南北一今案戴無此字十餘里水決南

潰下注為灣灣分為二西為赭水東為榮源赭水參

差流結兩湖故有東陂西陂之名二陂所導其水枝

分東南至會口入泚今案戴作比下同是以地理志今案趙有云字泚水赭水皆言入蔡案漢志無赭水入蔡語即泚水入蔡亦是應劭說互受通稱故也二湖流注合為黃水惟所受焉逕棘陽縣之黃澗聚又謂之為黃澗水者也

謝沈後漢書甄阜等敗光武于小長安東乘勝南渡黃澗水前營背阻兩川謂臨泚水絕後橋示無還心漢兵擊之三軍潰溺死黃澗水者二萬人又南逕棘陽縣故城西應劭曰縣在棘水之陽是知斯水為棘水也

漢高帝七年封杜得臣為侯國後漢兵起擊唐子

鄉殺湖南尉進拔棘陽鄧晨將賓客會光武于此縣也

棘水又南逕新野縣歷黃郵聚

世祖建武三年傅俊岑彭進擊秦豐先拔黃郵者也

謂之黃郵水

大司馬吳漢破秦豐于斯水之上其聚落悉為蠻居猶名之謂黃郵蠻

棘水自新野縣東而南流入于清水謂之為力口也棘力聲相近當為棘口也又是方俗之音故字從

讀變若世以棘子木爲力子木也

清水又東南逕士林東

戍名也戍有邸閣

水左有豫章大陂下灌良疇三千許頃也

又西

今案戴作南其上無又字

過鄧縣東

縣故鄧侯吾離之國也楚文王滅之秦以爲縣

清水右合濁水俗謂之弱

今案戴作濁

溝水上承白水于

朝陽縣東南流逕鄧縣故城南

習鑿齒襄陽記曰楚王至鄧之蜀水去襄陽二十

里卽此水也

濁水又東逕鄧塞南

今案戴作北

卽鄧城東南小山也方俗

今案趙作先後

名之爲鄧塞昔

孫文臺破黃祖于其下

濁水東流注于清清水又南逕鄧塞東又逕鄧城東

古鄧子國也蓋鄧之南鄙也昔巴子請楚與鄧爲

好鄧人奪其幣卽是邑也司馬彪以爲鄧之鄧聚

矣

南入于沔

湍水

湍水出鄧縣北芬山南流過其縣東又南過冠軍縣東

全交水經注

卷三

清水

湍水

湍水出弘農界翼望山水甚清徹東南流逕南陽酈縣故城東

史記所謂下酈析今案趙作析酈也漢武帝元朔元年封左將軍黃同為侯國

湍水又南菊水注之水出西北石澗山芳菊谿亦言出析谷蓋谿澗之異名也

源傍悉生菊草潭澗滋液極成甘美云此谷之水土餐挹長年司空王暢太傅袁隗太尉胡廣並汲飲此水以自綏養是以君子留心甘其臭尚矣

菊水東南流入于湍湍水又逕其縣東南歷冠軍縣

西北有楚塚高下相承八重周十里方塘蓄水澤潤不窮湍水又逕冠軍縣故城東

縣本穰縣之盧陽鄉今案戴作縣刊誤也宛之臨駝聚漢武

帝以霍去病功冠諸軍故立冠軍縣以封之水西有漢太尉長史邑人張敏碑碑之西有魏征南軍

司張詹墓墓有碑碑背刊云白楸之棺易朽之裳銅鐵不入凡今案戴作丹趙作凡何氏曰凡古丹字作凡誤也器不藏嗟

矣後人幸勿我傷自後古墳舊冢莫不夷毀而是墓至元嘉初尚不見發六年大水蠻饑始被發掘

說者言初開金銀銅錫之器朱漆雕刻之飾爛然

有二朱漆棺棺前垂竹簾隱以金釘墓不甚高而
內極寬大虛設白楸之言空負黃金之實雖意錮
南山寧同壽乎

湍水又逕穰縣為六門陂漢孝成今案戴作元之世南陽

太守邵信臣以建昭五年斷湍水立穰西石場至元
始五年更開三門為六石門故號六門堰也溉穰新
野昆陽三縣五千餘頃漢末毀廢遂不修理晉太康
三年鎮南將軍杜預復更開廣利加于民今廢不修
矣

六門側猶今案戴作又有六門碑是部曲主安陽亭溪

鄧達等以太康五年立

湍水又逕穰縣故城北又東南逕魏武故城之西南
是建安三年曹公攻張繡之所築也

又東過白牛邑南

湍水自白牛邑南

建武中世祖封劉嵩為侯國

東南逕安衆縣故城南今案句首趙有湍水又三字

縣本宛之西鄉漢長沙定王子康侯丹之邑也

湍水東南流涅水注之水出涅陽縣西北岐棘山東
南逕涅陽縣故城西

漢武帝元朔四年封路最爲侯國案本表曰齊誤也齊無涅水。

趙本引全氏曰漢表涅陽侯最朝鮮相路人子似失其姓又云在齊地理志齊郡無涅陽未詳其義

又史表呂勝亦封涅陽索隱曰縣屬南陽則漢表疑誤抑或食邑在齊耶王莽之所謂

前亭也應劭曰在涅水之陽矣縣南有二碑碑字

素滅不可復識云是左伯豪碑

涅水又東南逕安衆縣場而爲陂謂之安衆港

魏太祖破張繡于是處與荀彧書曰繡邊吾歸師

迫我死地蓋于二水之間以爲沿涉之艱阻也

涅水又東南流注于湍水

又東南至新野縣東入於清今案此四字戴移在謂晨宅畧存焉後仍作經文

湍水至縣西北東分爲鄧氏陂

漢太傅鄧禹故宅與奉朝請西華侯鄧晨故宅隔

陂鄧颺謂晨宅略存焉

白水

白水出朝陽縣西東流過其縣南

王莽更名朝陽今案趙無此三字而有之字爲厲信縣

應劭曰縣在朝水之陽今朝水逕其北而不出其南

也蓋邑郭淪移川渠狀改故名舊傳遺稱在今也

又東至新野縣南今案趙作西東入于清

泚水

泚今案戴作水出泚陽東北今案趙作大胡山東南流過其縣南泄水從南來注之

太胡山在泚陽北如東三十餘里廣員五六十里

張衡賦南都所謂天封太狐今案趙作胡者也

應劭曰泚水出泚陽縣東入蔡經云泄水從南來注之然泚陽無泄水蓋誤引壽春之泚泄耳余以延昌四年蒙除東荊州刺史州治泚陽縣故城城南有蔡水出南磐石山故亦曰磐石川西北流注于泚非泄水也

呂氏春秋曰齊合章子與韓魏攻荆荆使唐蔑應

之夾泚而軍欲視水之深淺荆人射之而莫知也
有芻者曰兵盛則水淺矣章子夜襲之斬蔑于是水之上也

泚水又西澳水注之水北出莒邳山東流屈而南轉又南入于泚水案山海經云澳水又北入視不注泚水余案呂忱字林及難字爾雅並言灤水在泚陽脈其川流所會診其水土津注宜是灤水也

音藥

梓材案趙氏釋云案此二字在注中注也

泚水又西南歷長岡舊月城北泚水右會馬仁陂水水出無陰北山泉流競湊水積成湖蓋地百頃謂之

馬仁陂陂水歷其縣下西南竭之以溉田疇公私引裂水流遂斷故瀆尚存泚水又南逕會口與堵水枝津合泚水又南與澧水會澧水源出于桐柏山與淮同源而別流西注故亦謂水為派水澧水西北流逕平氏縣故城東北

王莽更名其縣曰平善城內有南陽都鄉正衛彈勸碑

澧水又西北合澨水水出湖陽今案趙作南戴依全改北山西

流北屈逕平氏城西而北入澧水澧水又西注泚水泚水自下亦通謂之為派水

昔漢光武破甄阜梁邱賜于泚水西斬之于斯水也

泚水又南趙醴今案趙作澧二渠出焉泚水又西南流謝

水注之水出謝城北其源微小至城漸大

城周迴側水申伯之都也今案戴作邑詩所謂申伯番

番既入于謝者也世祖建武十三年封樊重少子丹為謝陽侯即其國也然則是水即謝水也

高岸下深浚流徐平時人目之為淳澹水城戍又以淳澹為目非也

其城之西舊棘陽縣治故亦謂之棘陽城也

謝水又東南逕新都縣左注泚水今案戴重又西南

流逕新都縣故城西

王莽更之曰新林郡國志以為新野之東鄉故新都者也

又西至新野縣南入于清

泚水于岡南此岡即上注西南流成在岡上泚水又

西南與南長坂門二水合其水東北出湖陽東隆山

山之西側有漢日南太守胡著碑子珍騎都尉尚

湖陽長公主即光武之伯姊也廟堂皆以青石為

階陸廟北有石堂珍之玄孫桂陽太守瑒以延熹

四年遭母憂于墓次立石祠勒銘于梁石字傾頽

而梁字無毀盛弘之以為樊重之母畏雷室蓋傳

疑之謬也隆山南有一小山山坂有兩石虎相對

夾隧道雖處蠻荒全無破毀作制甚工信為妙矣

世人因謂之為石虎山

其水西南流逕湖陽縣故城南

地理志曰故廖國也竹書紀年曰楚其王會宋平

公于湖陽者矣東城中有二碑似是樊重碑悉載

故吏人名司馬彪曰仲山甫封于樊因氏國焉爰

自宅陽徙居湖陽能治田殖至三百頃廣起廬舍

高樓連閣陂渠今案戴灌注竹木成林六畜放牧

魚羸梨果檀棘桑麻閉門成市兵弩器械費至百

萬其興工造作為無窮之功巧不可言富擬封君

世祖之少數歸外氏及之長安受業齋送甚至世

祖即位追爵敬侯詔湖陽為重立廟置吏奉祠巡

祠章陵常幸重墓其水四周城漑城之東南有若

令樊萌中常侍樊安碑城南有數碑無字又有石

廟數間依于墓側棟宇崩毀惟石壁而已亦不知

誰之冑族矣

其水南入大湖

湖陽之縣名籍茲而納稱也

湖水西南流又與湖陽諸陂散水合謂之板橋水又

西南與醴渠合又有趙渠注之二水上承派水南逕

新都縣故城東兩瀆雙引南合板橋水板橋水又西

南與南長水會水上承唐子襄鄉諸陂散流也

唐子陂在唐子山西南有唐子亭漢光武自新野

屠唐子鄉殺湖陽尉于是地陂水清深光武後以

為神淵

西南流于新野縣與板橋水合西南注于泚水又西

南流注于清水也

夏水

夏水出江津于江陵縣東南

案經文之例皆曰出某郡某縣某山獨汲水獲水實

即菴蕩渠之注陰溝者而夏水亦即江水也皆變文書之

江津豫章口東有中夏口是夏水之首江之沱也

屈原所謂過夏首而西浮願龍門而不見也龍門

即郢城之東門也

又東過華容縣南

縣故容城矣

春秋魯定公四年許遷于容城是也

北臨中夏水自縣東北逕成都城故城南

晉永嘉中西蜀阻亂割華容諸城為穎王都

梓材案趙

氏朱箋刊誤引全氏云晉志割南郡之華容州陵監利三縣別立豐都合四縣置成都郡為成都王穎國今曰穎王都文義未合。今案戴作為成都王穎國趙作王穎都

夏水又逕交趾太守胡寵墓北

漢太傅廣身陪陵而此墓側有廣碑故世謂廣冢

非也其文言是蔡伯喈之辭

歷范西戎墓南

王隱晉書地道記曰陶朱冢在華容縣樹碑云是

越之范蠡

沈炳異曰王仲宣登樓賦已有北彌陶牧之文本注云陶鄉名牧郊外地則非

指蠡晉太康地記盛弘之荊州記劉澄之記並言

在縣之西南郭仲產言在縣東十里檢其碑題云故西戎令范君之墓碑文缺落不詳其人稱蠡是其先也碑是永嘉二年立觀其所述最為究悉以親逕今案趙作經其地故違眾說從而正之

夏水又東逕監利縣南

晉武帝太康五年立縣土卑下澤多陂池西南自州陵東界逕于雲杜沌陽為雲夢之藪矣韋昭曰雲夢在華容縣按春秋魯昭公三年鄭伯如楚子產備田具以田江南之夢郭景純言華容縣東南巴邱湖是也杜預云枝江縣安陸縣有雲夢蓋跨

川互隰兼苞勢廣矣

夏水又東夏陽今案戴作楊下同水注之水上承陽水于竟

陵縣之柘口東南流與中夏水合謂之夏陽水又東北逕江夏惠懷縣北而東北注

又東至江夏雲杜縣入于沔

應劭十三州記曰江別入沔為夏水源夫夏之為名始于分江冬竭夏流故納厥稱既有中夏之目亦苞大夏之名矣當其決入今案趙作水之所今案趙謂之膾堵今案戴作下口焉鄭玄注尚書滄浪之水言今謂之夏水來同故世變名焉劉澄之著永初山川記云夏水

古文以爲滄浪漁父所歌也因此言之水應由沔今案夏水是江流沔非沔入夏假使沔注夏其勢西南非尙書又東之文余亦以爲非也自睹口下沔水通兼夏目而會于江謂之夏沔也故春秋左傳稱吳伐楚沈尹射奔命夏沔也杜預曰漢水曲入江卽夏口矣

滙水

滙水出蔡陽縣

滙水出縣東南大洪山

山在隨郡之西南竟陵之東北槃基所跨廣圓一

今案戴無此字百餘里峯曰縣鉤處平原衆阜之中爲諸

嶺之秀山下有石門夾鄣層峻巖高皆數百許仞入石門又得鍾乳穴穴上素崖壁立非人跡所及穴中多鍾乳凝膏下垂望齊冰雪微津細液滴漑不斷幽穴潛遠行者不極窮深以穴內常有風熱無能經久故也

滙水出于其陰初流淺狹遠則廣厚可以浮舟楫巨川矣時人以滙水所導故亦謂之爲滙山矣滙水東北流合石水石水出大洪山東北流注于滙謂之小滙水而亂流東北逕上唐縣故城南

本蔡陽之上唐鄉舊唐侯國春秋定公三年唐成
公如楚有兩肅霜馬子常欲之弗與止之三年唐
人竊馬而獻之子常歸唐侯是也

湏水又東均水注之水出大洪山東北流逕土山北

今案趙有水又東北流入于湏水湏水又屈而東南

流

東南過隨今案趙作隋下同縣西

縣故隨國矣春秋左傳所謂漢東之國隨為大者
也楚滅之以為縣晉武帝太康中立為郡

有澁水出縣西北黃山南逕瀲西縣西又東南瀲水

入焉瀲水出桐柏山之陽

呂忱曰水在義陽

瀲水東南逕瀲西縣西又東南注今案趙無此字而作流入二字于

澁澁水又東南逕隨縣故城西

春秋魯莊公四年楚武王伐隨合尹鬬祁莫敖屈

重除道梁澁軍臨于隨謂此水也水側有斷蛇邨

隨侯出而見大蛇中斷因舉而藥之故謂之斷蛇

邨後蛇銜明珠報德世謂之隨侯珠亦曰靈蛇珠

邨南有隨季良今案戴作梁大夫池

其水又南與義井水合水出隨城東南井泉嘗湧溢

而津注冬夏不異相承謂之義井下流合澁澁水又

南流注于澗案澁水豫州浸康成師古皆疑其地不應在豫然職方之地犬牙相錯荆州之

浸為穎則知豫澗水又會于支水水源亦出大洪山

而東流注于澗澗水又逕隨縣南隨城山北而東南

注

又南過江夏安陸縣西

隨水出隨郡永陽縣東石龍山史記春申君說秦昭王云隨水右壤皆廣

川大水山林谿谷不食之地小司馬曰今鄧州之西也。趙本引全氏校語西北流南迴

逕永陽縣西歷橫尾山

即禹貢之陪尾山也

隨水又西南至安陸縣故城西今案戴有入於澗三字

故鄖城也因岡為墉峻不假築

澗水會之又南逕石巖山北趙氏朱箋刊誤云澗水下全氏校增會之二字

。今案戴無會之二字趙依全增

昔張昌作亂于其下籠緜鳳以惑眾晉太安二年

鎮南將軍劉弘遣牙門皮初與張昌戰于清水昌

敗追斬于江涘即春秋左傳定公四年吳敗楚于

柏舉從之及于清發蓋澗水之通稱矣趙氏朱箋刊誤云蓋

字下落澗水之通稱矣全氏曰以先司空本校增

寰宇記亦云清發澗水之別名可證也。今案此

澗水今案戴無此二字又東南流而右會富水水出竟陵郡

新市縣東北大陽山水有二源今案趙有也字大富水出山

之陽南流而左合小富水水出山之東而南逕三王

城東

前漢末王匡王鳳王常所屯故謂之三王城城中

有古碑文字闕落不可復識

其水屈而西南流右合大富水俗謂之大澗水也又

西南流逕杜城西

新市縣治也郡國志以為南新市也中山有新市

故此加南分安陸縣今案趙無此字立又王匡中興初舉

兵于縣號曰新市兵者也

富水又東南流于安陸界左合土山水世謂之章水

水出土山南逕隨郡平林縣故城西

俗謂之將陂城與新市接界故中興之始兵有新

市平林之號

又南流右入富水富水又東入于澗澗水又逕新城

南

永和五年晉大司馬桓溫築

澗水又會澗水澗水出竟陵之新陽縣東澤中口徑

二丈五尺垠岸重沙端淨可愛靖以察之則淵泉如

鏡聞人聲則揚湯奮發無所復見矣其熱可以燂雞
洪瀏百餘步冷若寒泉東南流注于澗水又右得潼
水出江夏郡之曲陵縣西北潼山東南流逕其縣南
縣治石潼故城城圓而不方

東入安陸注于澗水

又東南入于夏

澗水又南分爲二水東通灑水西入于沔謂之澗口
也

澗水出江夏平春縣西

澗水出江夏平春縣西

澗水出北大義山南至厲鄉西賜水入焉水源東出

大紫山分爲二水一水西逕厲鄉南

水南有童

今案戴作重

山即烈山也山下有一穴父老

相傳云是神農所生處也故禮謂之烈山氏水北
有九井子書所謂神農既誕九井自穿謂斯水也
又言汲一井則衆水動井今堙塞遺跡髣髴存焉
亦云賴鄉故賴國也有神農社

賜水西南流入于澗爲厲水也

賜厲聲相近宜爲厲水也

一水出義鄉西南入澗又注澗澗水又南逕隨縣注

安陸也

南過安陸入于澗

水出澗山

又謂之澗水

其水出澗山

澗山在澗山

澗山在澗山

大澗山在澗山

水經注第三十九終 後學王梓材錄董沛重校

